

幼
學
堂
詩
稿

勿學堂詩稿卷十五

吳縣沈欽韓文起

重陽維邁庭桂猶榮歡然數杯輒追陶公九日韻二
首

疊疊令節至融融月光生花月交映發賦詩喜有名棲息
愜遲暮芳馨遂晴明小鳥嫌蕭晨闕彼求友聲志士固芬
烈寸心闕千齡雖乏弦琴賞一觴聊自傾風霜漸淒緊百
卉誰其榮典衣尙可酹譽茲瓊樹情衰顏質清鏡植操慙
無成

宇宙皆寓廬豈惟廡下交我寓將舍茲預憂嘉樹凋殘秋

風氣敞廣庭露華高巷冷無人聲新月舒中霄羸年勤著
書北門心自勞清陰一俯仰靈府忘煩焦四時得此夕命
酒歡斯陶委形無所欠悟彼蜉蝣朝

九日

腰金騎鶴諒難期歎老嗟貧亦已癡一樸花僂新節景三
杯藥酒老生涯雲山自好偶無興風雨不來當有時閑處
工夫須愛惜數緡忙殺餅家師

王勤中畫鶴冊

勤中自養二鶴以貧賣其一所留者
遂死因感悵畫此冊凡十幅今存中

氏

對舞忽成孤影高秋唳斷清霜不忍少貧賣鶴果然天壤

王郎 少葫蘆生人血傳薛少保宗風欲傍誰家池館
不如天際冥鴻

秋晚詠絡緯

藤陰索索苦瓜垂就使悲秋亦過時不信寒窓暗燈下看
他絡得一絢絲

野步口號

端居悒悒行謀野水落西津石鼓陰晚稻黃樓耕耒狹寒
林紅帖酒旗深鴉添別致行牛背雨奏偏功起菜心檢點
惜無錢與邵麴奴看取酒缸沈

九月晦日放舟石湖共改齋弱莽集榮甫蟄窩

黃雞啄啄驚生客拋了枯筇迂病身開手三間泥地屋聚
頭五箇布衣人綠醪卜晝還謀夜紅葉辭秋卻借春笑指
扁舟歸木瀆酒徒盍叢訝比鄰

宿辛夷館聽雨贈肇甫

衰疾冬堂共攘除聯牀竹屋夢遶遶更殘滴雨叩方響秋
送隙風號太虛信貨早愁藏腊鼠方聞晚悔欲泔魚黃花
寂寞東籬甚把燭相看影未疎

十月初一日雨中對菊

吳均高興今誰似秋士菰蘆慰我思紅友相交無冷而黃
花共對小低眉古風栗里懷三徑今雨雞窓泥一枝寒夜

留髡文字飲詩壇牛耳愧難持

墨菊

晚節當玄月孤芳寄墨家一叢迷病蝶幾點帖寒鴉短日
先燈影衰年逼眼花何人持鐵面兩鬢愧蒼華

媽紅幾入已成虛插向烏巾鬢未殊傲世輕於黃綬吏戰
秋奇出黑雲都發揮正要霜華襯羅致誰嫌月影孤幸自
不存丹白念西風聊慰草玄儒

初冬沴氣漸息喜柬友人

稚飲未能歌瓦缶

時尚在
過密

游光先自禁桃爰星藏尸氣閒

巫祝風遠春聲笑婦姑茅屋不聞車載板楓林仍勸酒提

壺食新相賀，逃新鬼息老還期。慰老夫。

黃山晚歸

青紅樓閣晚霞奇，抽作行行野鴨飛。却是林村添薄相，風梳病葉滿牛衣。

封榛穉秆出山拘，鳥接林間解護巢。貪向西橋望燈火，不知寒月挂船梢。

書窓

玲瓏朝日透林圓，披霧纔如雨霽天。逸翮攤書時過影，輕塵棲硯共生煙。霜梧旆旆死心墮，野穉簪簪生計延。盡是久閒消髀肉，遂循衰病一悽然。

初冬與改齋弊甫遊累日改齋別去復同弊甫宿黃山管氏書樓悵然有感仍用前韻

山林朝市共乘除淨掃靈臺企几蓮棄物折資差散誕病魔衝替漸清虛偶然問世白頭豕長此勞生頽尾魚只是家山貪宿留向平志願竟全疎

儒生吟戲寄豁然長老

束髮業儒頗立志政如出家初發意始隨鄉校作行童繼入黌宮蒙披鬚已持孔子具足戒亦饒散聖神通戲目窮萬卷轉三藏神遊六代超十地幾將館穀化齋糧聊以訓蒙爲佛事名參貢士挽計車寵同大德選街寺仍縫破裊

白袍歸不博，傲裘紫衣賜。開堂竟少買，山資託鉢空。磨懷
刺字鬼，狐齋齋唱家。風鳥雀，轟轟投法會。弊人難度早，思
惟頹波欲挽輕。嘗試劇貧須達錢，休穿薄福羅。勾土自餌
以我所爲舉，似公公殊有得我。乏味公營無縫塔，已成我
炷長明燈。尙翳從今，但教薄拘羅。一生無病亦無偈。

示兩小兒

七載苦心兼教養，終年菜色怯鞭撻。得憐多處皆歸母，乞
活難時只怨爺。有子那知翻累我，爲渠不忍更拋家。相看
咄咄催人老，瘦骨嶸嶸益自嗟。

驕穉何知反，咄咄急恩勤。未有息肩期，頗哀老子遊遊少。但

似而兄門戶哀世襲奇窮將到汝往煩咎怒豈如兒平生
事事輸懷祖不獨科名領底髭

意行寄僧補拙

樵聲如啄木伐荻已無花曲曲巡河鴨忽忽種麥鴉新香
晚邨飯餘絢遠川霞甚欲尋蒲褐窮忙是出家

雨中憶池上菊

詩人命屬花尤急文士愁須酒始降無酒無花開病眼苦
風苦雨打寒窓

說餅齋招犖甫不至次兼山韻

莫訝生機似濕灰長鬚折簡未登來山能露頂研研立日

與溫顏欵欵開掠臘風聲還捨竹商量雪意欲巡梅隱囊
塵尾渾忘語獨酌頗黎酒一盃

洞庭橋枝辭

漫山轉綠更迴黃龍女祠邊半夕陽好待使君三百顆幾
家茅屋有新霜

儂住前山郎外湖住山安穩已輸租五風信裏催船出酒
熟橙香相憶無

羅帕誰家拾道邊一雙繡眼破林煙蕭蕭暮雨吳歌斷水
碧山紅泊畫船

駝蹄羹後壓清饒倚醉脂香破枕函寄語園官休盡揀留

將匹絹製春衫

湯婆子十二韻

不嫌老物與卿卿便可提湯出火坑晚歲推襟代房帥可
人來夢罷心兵溫泉先賴樵青婢丹穴依然養汞嬰未許
比肩當夕御也同抱帳向宵征阿翁新尙趨炎勢此媚橫
陳送煖情躡息深深應默數小波唧唧久吞聲尺三汗脚
勞相企百兩纏頭寵不驚喚醒春陽非玉質乞將方便比
鉛精宋紹興間有孟婆與我方便語鉛精爲老婦見玄中記青奴共帳班姬扇紅友
猶期力士錯胯下辱他同蝨處夜闌伴我聽雞鳴渾無圭
角摸稜過漸覺龍鍾皺摺生布被因緣莫輕棄是鄉終老

伐三彭

蠟梅六言

風廊黃葉盡掃晴簷蒸栗漸催欲雪天容慘澹聞香人語
裊回一枝銅瓶共凍百琲雲鬢未開正是圍爐獨坐智瓊
悵望不來

移居詩三首示家人

辛勤將卅載不得名吾廬此生已流浪何者爲定居僦屋
當筍步有樓亦渠渠好山帶檐宇雞犬聞邨墟雖免締構
勞父子勤糞除素乏周旋人載書况盈車輟吾半月業擲
擋得自如未暇置家具先理架上書一觴酌自勞筋骸稍

稍舒家人復啾唧益鼓無宿儲

貧者士之常吾家清白吏先人少孤露勤立終賫志破屋
遺四椽偃息已兩世弱弟亦有兒風雨愁難庇譬如蒙鳩
巢已壞且愁置豈無同爨恩尙慮紫荊悴疇昔職提攜今
茲門戶異緩急乞醢鹽比隣恐疎棄惟應愛酒伴相於覓
一醉

我性秉疎拙多與流俗忤廿年卧蓬蒿饕餮致艱苦入室
見飢寒我心常愧汝三男復倅愚詩書恐墜緒平昔厲廉
聞亮余爲人父富貴營華屋遞居如逆旅歌哭能幾時况
茲他家應親賓誼良厚相賀携酒脯新篇復斐然辭意重

矜許他時雨雪中來視子桑戶

題宋徽宗賜崇真宮道士項舉之手札

長生帝君下絳霄雲中樓閣風飄搖半夜火龍神劍躍白
鶴三萬分班朝天遣魔君壞趙氏蔡京王黼皆仙史玉真
軒裏像安妃寶籙宮中巾德士永嘉祭酒高座施金鞭橫
鞅龍樓馳邈然更有崆峒想名姓親提項舉之道家兩府
謂林與張無此客誰向寥陽問仙格鶴頭想共徐神翁馬肝羞

作王仔昔黑肯不散鼓蓬蓬神霄長嶽煙塵中黃河迢遙

別十八

癸辛雜識別十八華言五闕城

汗衫血詔斑斑紅雪窖冰天仗道

力可惜中華被金狄

徽宗自言朕爲上帝長子憫中華被金狄之教故願降生

對雪次朱子舍期集旭堂說餅齋韻以大風遲一日

晴簷舞雪點房櫳潑盡餘寒日月窮竹保餘青爭魯直

李燾

長編真宗他日念右正言魯宗道因題殿壁曰魯直

山皴微白類楊風波波雲族排

鴉陣縷縷水花綴爵叢羔袖龍鍾欲陰拱幾將俗物笑王

戎

玉沙浙漈打疏權驢背漁蓑句不窮早答僧書硯微冰緩

求士畫紙先風名場老敢稱先輩綺夢清休憶小叢虛望

王恭披鶴氅村煙市火暗戎戎

樵者致鳳巢僧訊招踏雪律甫改齋每稱余爲前輩

賦得書聲

立壁殷金石挑燈有鬼神坐深堆運葉吟苦繞梁塵掩卷

猶三嘆敲詩更幾巡
蛩號與雞唱
陋巷憶斯人

賦得碁聲

一局竟午寂瓶笙
只悄吟乳泉
人共滴翠幄
密相尋落子
松風遠收枰
花雨深不知幾
扁膊門外泛
瑤琴

說併齋夜坐用前韻

霜月悽然不隔櫺
白頭我正坐文窮
山封雪汁難消日
水蹙冰紋已絕風
枉費苦心穿鬼窟
每遭巧手賭神叢
機杼收拾聲華歛
未晚斯言聽阿戎

集兼山菜根香處疊前韻

險巖有路抵烏樞
急難何人示鞠窮
得酒情懷冰見日
催

詩號令雪呼風橫流直自飄桃梗廣廈何宜夢櫟叢但伴
梅花冷將息單車未肯效崔戎

杜少陵拜杜鵑圖

昔年三大禮稽首延恩匭空向錦帷望麗人不得麻屨見
天子有懷稷契志莫施六飛崎嶇行萬里大桺

謂肅宗

昏塞

誤家奴阿瞞幾爲兵死鬼臣甫會同立仗馬一鳴輒斥身
轉徙轉徙亦復東西川翠華想像空山裏小鳥誰知望帝
魂血灑春風萬花紫襪襪短羽訴飄泊旋繞宮槐念故蜀
遂令一飯憶君人惻耳酸腸望林木綠袍往綴供奉班那
知老淚滿巴山干戈滿眼歸不得亂雲遮斷葭萌關遙知

金粟堆南路千官上陵勅使還佐卿鶴化箭猶在鼎湖龍
去髯誰攀爾鵠莫言歸去好西內羈孤骨肉少何嘗不歸
歸若斯劔南一道差娛老有家可歸尙是樂不見紇千山
頭凍殺雀

唐昭宗
言此

畫工貌得詩心苦朱紫盈朝拜五父

陰山射虎圖

千人帳外吹頭髦白道稱姬金狼韜南河北河水正合鳴
鏑萬騎馳搜牢百獸搶地先乞死驚風裂石黃斑嗥虎聲
風聲戈戟偃一箭噴血殷林臯虎僵不倒迴鞭鞞仰天復
落雙鵬高黑虎最猛帶箭逃撞翻七列誰敢鈔翩然躍馬
弓且發長槍揭起肩連尻怯薛共詫好身手啞姑弗妙解

甲條燎毛割炙伏突刀琵琶圍坐聲嘈嘈橐駝滿載腥與
臊角鷹銜肉涎狃獒胡兒寢皮寒不號殺戮代耕彼天驕
漢氓命若狐兔塵豈如

本朝制六合區脫不復烽然

棹谷量牛羊貢九白賀邵山北皆官曹一矢不敢向南射
嗟爾畫師慎拈毫

臘盡從吳茂才乞殘菊賞

忍寒待與梅爲伴自是天生穩重花滿挹禾酸裝

上年景

不時宜處見些些

韓魏公詠柳絮云
不是天生穩重花

乞菊不得從臆舟覓小梅兩樹

菊應嫌我酸寒甚邀韻圍爐飲酒人賴有梅兒共生活不

教作撻後來春

研樵乞鄰竹植織簾草堂并分書帶草

嬖媚五青士揖我蓬蒿徑雨餘碧自鮮臘盡寒纔剩披披
始摧沮挺挺旋澹定金瑣迎日從玉璆向風磬停煙供微
睇得雪耐清聽骨土愁鞭跛脈春望筍孕購石古勁裝聘
梅窈窕興此君但平安其倫非逕庭幽草亦欣然逆知嫡
容媵便作汗青想詩眼不空醒

病中臆舟屢以藥物見濟歲盡餉白米鰾魚

嗟余攝生不如法初矜超距終顛踰少貧捭茹劇煎心晚
學篝燈忘帖脅十駕施措未識芻一枰落子便逢劫面小

於襟骨如牆歡不能交病相狎巨防一蠟穿遂遁大怖四
蛇排洽恰感君古誼彌久燁顧予舊盟不再歆分齊桐錄
細封題對證龍方勤籤劄猶希老樹能著花欲起疲丁重
受甲苦辭悱惻孤肝傾俗情盱眙一目眨縱然瘦沈仍移
帶可識醉劉免荷鍾濃霜召煖喜啼鳥淺水流嘶寬戲鳴
酒兵寂寂常堅壘詩戒遲遲偶放牖新編良藥又沓來長
腰縮項并宣押因勸腹腴纔再飯重憶濁醪聊一呷輟箸
長歎味德淡對案高歌與愁壓寂寥不使虞翻恨浸淫只
慮鮑叔乏文章休矣啖雞肋歲月瞥然熟羊腍氣吞往古
喉詎搖謗受羣兒掌自搯窮而後工安足豪巧於用短毋

須怯

每索君新詩輒謙挹不出救着此句挑之

相期晴日遊斜川久忍寒宵訪

清雪酒狂比舊定如何鬢衰未礙梅花插

復從邱二乞竹栽料峭欲雪旣而得雨用前韻

干竿豈嫌多患少三三徑霜筠乍交割雪花擬掠剩蕭郎
枯瘠姿落筆有前定分風旋追尋饒蝶相掉磬簾色幽自
延書聲靜可聽瑩肌文字香窸窣官商孕何須渭川謀便
生淇澳興苦心免一俗同氣惡不庭新歡洽舊盟魯嫁得
齊媵宵雨膏沐深懷土一噴醒

除夕次子舍見懷韻

風送人聲雜市寰本無忙處莫名閒閉門留歲忽忽決繞

屋看兒得得頑硯欲詠梅嫌宿墨鏡乘中酒賺韶顏趁晴
固好尋南郭有雪無妨伴北山

寒瓊

擁萬卷書令破爛比三經席定奇溫懸鶉漫乞湯婆裹凍
蝨應勞椅妾捫淚滿牛衣冰上卧聲銷羊圈雪中吞紅氈
瓊上金狻座未必傳家長物存

寒瓶

凍芋抽萌怯井欄幾錢乞得咽哀湍盡翻翕翕人間熱可
見幾幾天下寒欲插好花知得否若盛濁酒便嘗看火爐
頭上誰蹲慣輸與鳴夷饗腹寬

文同丹淵集冷瓶詩君
此幾錢得不惜游遣我

除夕效白樂天何處難忘酒十首

何處難忘酒春風引杖藜糝紅燒屋角吹綠繡山題蝶向
誰家舞鶯藏別樹啼此時非白墮豈屑小蠻携

何處難忘酒高陽並俊人帳霞張作幄花雨埽成茵綿羽
迴歌韻遊絲挽舞塵此時觥錄事可獨酬陳遵

何處難忘酒榆錢點客衣科深行卷懶僕慢過軒稀眼亂
逡巡立心知瓊龜歸此時非吃夢無力送斜暉

會榜未出
前聚朋市

飲俟得第者
償謂之吃夢

何處難忘酒槐陰轉夏初蔥花淪蠶豆糟醜燉鱖魚鶯自
巡風倦花如入月疎此時非卯飲櫻筍一年虛

石湖詩注
吳人酌酒

甕浮醅謂之撤
醞酒之精英也

何處難忘酒潺潺雨滴階山雲寒作絮庭草長垂縞子母
行鞭竹官私袞拍蛙此時呼五醖自覺醉鄉佳

何處難忘酒山房六月中垂簾竹閣雨打槩藕塘風林局
葉投鳥檐吟絲吐蟲若非河朔飲黃嬾莫施功

何處難忘酒新霜抹屋檐蟹奴芒稻拵魚婢穗蘆險籬眼
鮮鮮菊林腰閃閃帘一鴟缸面少底物慰陶潛

何處難忘酒西風柞稻天白魚長似劍黃雀軟於綿小閣
初糊紙名琴正合弦慳囊不此撲叵耐久流涎

何處難忘酒堯年鶴語寒藏頭無六用曝背待三竿僧路

抄水澗漁舟膠雪灘此時挑楫拙論蠶例禾酸
何處難忘酒爭春雪共梅偶然隔水望忽有暗香來松吹
舞能轉鳥啼妝漸開此時沾溼倒不惜玉山頽

辛巳二日立春

春來紫莫沒因由菜甲飭枝事事休名紙裁供詩起草錢
繩剩與竹扶頭此心想象皆虛耳

韓非解老人之所以有
意想者皆謂之象也

口呼貓可得不但爲尖風勒枯坐梅花宣勸我能遊

新年

新年使我愧酸寒強博親鄰婢姬歡客去向催茶始出僕
隨兼設飯尤難小思轉變戶堅閉大得清閒書獨看猶有

吾門二三子翦蔬漉酒待同餐

閩史有感

人材錄錄汗青羞苦海茫茫漆黑搜覓食鵝益儻鳴鶩容
身菱角作鷄頭

陸放翁詩註吳人以折磨多者爲磨菱角作鷄頭今諺有鵝食益鳴鶩鶩菁華

天地豈終閩摩厲廟廊須熟籌已達達人要有類自鳴鳴
國正何憂

乳餅四絕

欄下薶盆桐老丁

丁姓者最優

雪花方鎔侑京瓶近來舌本無

愁強勝讀平元道德經

穆家小弟尙清腴

李肇國史補穆氏四子賞爲乳餅最凡固

能砭杈枒肝肺枯

碌碌猶應超五殺莫論茶餅本人奴

不斟錦帳羔兒酒不點瓊廬妳子茶
添得詩人癡絕事一匙和雪嚼梅花

殘牙穩送玉池泉日日黎祁也可憐
安得煨蠶千斛貯落花收拾盡酥煎

邵犖甫送寶應藕粉

記光一奩浸明鏡雲錦千機水天靚
錦帆綵舟不爲家雨

打風吹鷺翻艇彎環玉臂搔卽傷

漢時吳郡貢傷藕

碧縷搖漪牽

藻荇縣家作粉供玉食選筒瓠肥棄其梗
姿姿滴露泛杏漿筒筒暴日凝鏹霜
鷄羽雪塵封錦匣每年土貢隨秋綱

湯官七調芙蓉片白琉璃瑩眸子光若奴酪母供泛索滿
幾千品同糶糠圩戶領錢斤四百帖陪過半短長陌仍將
剩料送縣官親賓亦幸先嘗食我患衰羸思湖目不任肥
醜似蟬腹一盂雲母肝膽新擺撥槐淘與錫粥鄭屠膝沾
不須句硬肉大餅癡腹確書窓一穗裊廉香三句鶴俸償
詩償

去冬雪後石湖夜歸錢改齋請余聯句因喝韻得十
餘聯江兼山許弱莽管旭堂皆與焉已弃之矣兼
山携稿來乞書之因加竄定稍得韓孟句法也

湖光碎短棹日脚曳半江雪徑痕癩癩水溜響琤淙倒影

面浮赤聳稜眉列龐人煙掠逝羽鬼火吹枯腔深墨林圍
障浮青山簪幢蘆管拗微颯松頂摩遠撞鵲巢危露架鷺
浦孤翹樁暮語聚茅宇空情豁蓬窓束苜出叢社卧槎纜
漁雙魚叉並斫獨寇鳧迎舷雙爛銀潑眼瑩碎玉披腹鏗市鐙
賓鴻叫渚獨寇鳧迎舷雙爛銀潑眼瑩碎玉披腹鏗市鐙
射敗壁鄰篋滴糟缸近爐客促膝遠酤人度砵牀掃印塵
鼠廚喧盜肉虯舉白瘁粟熨覓句寒涕降蹙株驚濕灰刺
石通奔瀧險緹陰平道捷緣都盧撞處子皆樸茂俗學矜
奇厖勇羞投石固隙戒彎弧逢開南軒窗窳窺北山嶺峴
霜靴月魄鍊風翦星眸慢負最標餘枿賜暎春下缸宵長

偵燭跋韻險撓鼎扛覷巧乘堙闢扶偃植杖帮吹竽廟南
郭執帛隨小邦快哉助鼓譟拔幟投空杠

劉猛將祠

順昌旗幟閃靈風簫鼓千村報歲功多恨金牌追汗馬枉
拋玉帳鎮沙蟲三衙高卧閒烽帥一劔橫磨走社公我欲
豚蹄效尸祝紙田無用愧鄰翁

步月觀劉猛將會次兼山韻

神鴉近社肥遠樹挂斜暉田鼓巫先醉橋燈叟未歸月波
涼夜展酒色上春衣從此攜鉏出比鄰相見稀

元夕集子含齋中并簡張小陶次韻

後遊偶作春雲合妙緒如拈新繭圓
闕月緩歸銀燭下分
茶小坐玉梅邊留窮文試生花筆
賣困天輪圃草錢賴有
張兄形我少強扶羸老繼清篇

雨

雨脚挾風峭轉嫌駝褐輕
暝煙山寺閉遠水野航橫
苔徑無綠意紙窓有雪聲
窮冬渾忘却澤物豈無情

鳧舟送紅白梅兩株植於香白寮用種竹韻

種竹尙婆娑植梅差簡徑
數年清夢圓一春遊屐剩稍瘦
牽羈情尙寒得禪定酒邊重
尋盟詩外真懸磬野風獵香
禁隣月移影聽帖鈿麗初妝
調鼎酸已孕笑隨健步開案

翻腐儒興丹白未忘懷對當各分庭綿羽有時歌羣芳無
地媿安得買孤山長伴逋翁醒

太平庵探梅

香氣如絲茗盃前雪花微點玉腮妍東風不用相敦迫冷
藥疎枝倍可憐

愛梅未要梅全放無賴辛夷向後催早悉羣芳難鎮壓菊
花開後卽須開

寄顧南雅

聖主求賢本寬大小臣指事却巖疎未論侯霸猶癡否但
視蘇威自茂如所見易驚皆獨大有材輕露卽黔驢江湖

勿學堂詩稿

卷十五

不少魚羹飯肯爲民瘼草諫書

悲芽

土毛閹窮冬春蔬無一族后稷窘蕪廡老畦巧嫗伏緼火
排煖房赤萌呀寒谷茶槍剗剗磨蠶蟻螟螟簇粲然金奴
股發若丹砂鍊一籠初上市百錢不盈剗齊奴麥苗羞文
淵筍包慝食肴推將領肥甘盡稟服緣飾兼吏儒幹用通
雅俗雖羞二清品要冠五辛目膩瀉羊羔酒細切花豬肉
冬筍不差伍春餅尤宜餽周生固貴早庾郎詎望速難伴
藜藿腸取足瓠壺腹逮其逾扶寸稍可加約束嘗新到貧
廚革故磨華屋老薺牆根挑白團釜底漉難甌安邑肝慙

對蕪蕪粥自牙而著花迴黃已轉綠匹如享野人無庸繭
栗憤從茲蔓甲宅非止照苜蓿茵蕨尊蒿芹芥薑苣藍菽
唐園恣填倉非老氣不馥力求菜花乾

韓子蒼陵陽集有
順老寄菜花乾詩

余亦
嗜之

當宥松毛禿

正月廿六日雪

冷雲陣陣合長圍一朵迎頭濕打衣與麥圖回饒一白犯
梅持重僅孤飛檐聲向曉雨兼下天色待晴春半歸衰病
患寒還喜事苦無二仲款柴扉

雪中紅梅

天教傅雪顯精神政作當家膏沐新試把胭脂桃杏着一

番風雨一番塵

冰豆腐

麻雀散荒邨

諺云麻雀豆腐到處有

石磨停野店匣牀翻漸空算罷

趁已歉剛稜銀粟生熱屬石膏點風竿猛掀攪星檐澹屍

閃飛霜小下鹽垂溜危標劍蛙眼工鏤鏤蠟面巧塗染帶

方勻排鏊埭輕便削激湯沐凍顏解酥片瘁肌砭

陳晦隨隱漫錄

每日賜太子玉食批有酥片生豆腐

身孳雖耐七質輕幾悔驗無取辣羹清

要投脛肉醜貧家安辨有常具固叨忝三斤夸大進十錦

甚過潛兒喜餐輒加鄰喚直常欠各澤皺手批麩黓澀舌

擔處分司寒煩排比腐儒饜蒜甲茸所須蝦乾淪稍添

集韻

他念廣雅爲成也一頃料宜爲六月貯能尪曝極乾封貯冰壺雖盛夏可淪

令不遭玉雪本可念益益乳花浮溶溶永精歛撒電手何

巧點綠色尤豔北庖能以水炒南豆腐董編修琴南庖人能爲十六種豆腐用菊葉淪尤色香可愛

耐久交早締老缺齒可離豎儒宜噉麤老贊漫填壘只憂

真率會孟嘗家不贍尤展成以肉與豆腐二色爲真率會吳江顧茂倫善交而貧人呼爲豆腐

君孟嘗

二月四日

梅花渾似雪中看占愜春光只一寒消得阮生經月醉不

青柳眼莫凭闌

破匏偶哢兩三聲未放吟肩故絮輕春冷于水秋似火天

公端不作人情

爲鳧舟題鬪鷄圖

外按小兒踏芳草花冠金距矜猪爪季郈兩家搏一雄苦心韓孟覩天巧華清湯殿作隊嬉東城老父空淚垂兔葵燕麥春風裏說與酒邊老畫師

二月十一日偕豁然補拙二僧山中探梅

圍屏山疊纈成紋圓鏡波環柵擘痕一簇人家幾株雪梅花多處卽成邨

破衲連朝滿裝春催開催落不相勻杏花要爲梅花補白
白朱朱眼不貧

細帶檀鬚倒七分沿山澹日閣輕雲忽然一陣踈踈雨殺
住濃香不放薰

蔬筍家風巖壑姿援儒入墨共尋詩青鞵烏帽茶山下猶
爲踈花立少時

草欲抽葺蝶欲飛黏人屢鼻撲人衣只消三日風吹雨合
作香泥待燕歸

山坳跋隊幾縈蛇晚喫還元閣上茶做得春深直如許黃
泥顏色玉蘭花

吳人呼白辛夷爲玉蘭

石契齋試七寶泉

春泉鳴石乳午夢味雲腴偶作煎茶會何須調水符烏薪

漸飛雪白沫已連珠蜩駉聲方沸松濤散忽孤八功池不
遠三昧手非無小啜眉知意餘甘舌問吾重樓澆鬪品兩
腋擬清都試急先酌嘗多且注壺炙餅猶啣啣散策欲

于于花墮欄前久煙颺竹外紆九難曾有述

見茶經

二妙暫

相娛

李季卿謂楊子南冷水及陸羽處士煎之謂二妙

水記他年續何人畫竹爐

綠萼梅

小紅澹白半晴光翠袖人遲竟體芳春水初生微蘸影曉
烟欲上故窺妝一痕待曳裘腰煖三弄幾吹酒面涼今夜
素娥須會意十分明艷餞昏黃

上巳日出遊

百五重三并一日儻蕩東風嫩晴色扇偶作伴時未須杖
堪扶衰齒將得菜畦鋤金日色鎔桃岸纈綵煙痕織登山
無嫌一里遠開園正可數錢直牙郎村女駢隊伍疏步冷
顏隨作息山堂水榭百精雅只與俗僧快眠食烏嚙松吹
幾般勤應爲詩翁能技拭春歸草長人自稀白剝長廊戰
蟻黑

白躑躅花

江浙山嶺間躑躅最爛漫嫩綠抽未齊殷紅映不斷銀釵
樵髻簪瓦瓶村塾玩噴雲凍孤秀冠玉驚此粲嵐開媚巖
幽縞耀標几案翠葉小紛敷素萼高璀璨有影圓月籠無

香隙風竄簾紋窺水窓鷺羽濯江岸盤殮勸少留偏提頰
再灌海棠落未知牡丹開已半自嗟冰雪懷難將錦繡判
散人對野花一歡成三歎青春去堂堂何消杜宇喚

顧劍峯不見十五年共遊天平隨宿跨塘顧生舍明
日別去

十五年來一而難林泉不作夢中看綠陰如許頭仍白明
日云何夜復闌欲挽江湖罄懷抱僅存皮骨琢心肝笑君
亦自成瘡虎野鳥紛紛競作鸞

食白筍

釋贊寧筍譜言筍色大約不過青綠而云木
左虛著四明山記有毛竹銀筍者未詳豈古

今來皆不
知此品耶

吳興斑犀白銀色赤馬風帆渡湖亟春分開秤一閩馳寒
食削頭幾錢直尔非如綬薑作其波及貧厨爲技拭朝煙
禾起心加餐食指初搖眉動色玉臂休褫紫錦褊透鼻軟
香灰漸熄麻油薑豉雜調之重樓咽甘靈府植誰言滑利
筯刮腸自覺靈通帚掃臆惟愁風日損真美每笑羸人慣
生食偶思一臠肉同嘗却似揚州鶴叵得先生作計太奢
遮蝨簡多生責未塞駸駸解籜夏成林煮簞如何借火力
後來蠶豆慰清饒食料天公不汝嗇

討蝨寄江大

人非蝨父母利養蒙甚愛子孫并日成羣尾一牀配但飲

即求飽無疾恒處內香臭機兩忘瘠肥樂共徠處禪兼邀
襦緣督善攻背耗耗蹙細步顛顛恣下喙遊奕鬚鬣沿抵
戲縷緯戴傳餐上下番濟師先後輩一縱一橫來三祭三
陀退巨魁劇漂杵玄膺紛歆敦體瑩含火珠腹圓曳水碓
蹒跚適稱妮痞痛旋積塊謬種遺以貪利口遭無貸倅革
包壤墻枯櫛露涸埭老病翻相期腴削料無礙飢困爾望

憐齊書江泌衣弊恐蟲飢死乃復取置衣中 苛癢我誰代頓遞蠶起眠牽率蟻

按隊莫施搔爬地堪揣眉睫態將捕裸形羞風俗通趙仲讓向日解衣

囊捕蝨厥形悉露欲捫談舌廢顧和乘宴間下衫破忍耐身事不

整齊生理益芒昧火攻出下策鼎烹等大熬獲級功先最

殲族辜徐倍狡穴搜布經潛形混絲類鶴鶴眼睚張蟻蛭
燈炷焯反覆得窮治見知悉連逮贓證何從肥報論詎須
劫猶恐濺衣污要遲撮指碎聚訟死方休相弔生肯悔懸
釐戶牖徇焚炬阿房嘅

虱念阿房宮賦子
被中見志怪錄

心清坐安禪體

便行勝鎧譬邦國撫綏期盜賊創念幸免心腹瘕常結容
臭佩恬澹屏葷羶澡雪除垢穢庶幾奠惺忪無復蘇婦燦
奇兵出不虞黠蚤知好在佛性撲仍無刑典施可概遂循
收習飛唐突背新淬有肉誘肖翹

說苑師曠云肉自
生蟲木自生蠹

彼蒼

矜頗類尸蟲催交割微軀難徧賚故事殺琵琶新敗舒翠

黛宋徽宗如呼
蝨爲琵琶蟲

初夏

麥花風裏半秋天桑甚微乾豆莢圓好鳥數聲催日轉教
人沽酒欲便錢

今年燕子不窺廬尺許蓬蒿懶復鉏莫道此中聲息寂竹
方解籜我翻書

蠹魚久與我爲讐日檢羣書堆過頭只似卧遊屏障裏半

年圖上十三州

時方作水
經注疏證

鳩窺甚熟時謀醉蜂見花稀夙備窮青荀黃魚好時節小
兒悵望老夫聾

蠶豆

綠囊緘信報春歸露地粘牛躡尚稀
蠶豆有牛踏匾垂茨箔中蠶
漸老試花陌上蝶初飛茶煙已倦煩纖手麥浪猶寒賜褚
衣幸自排當櫻筍後一甌能使玉池肥

鮪魚示朱春帆

抽蒲剡劔脊分苗漾針尾石首嫌非新銀鱗憶正美北風
三日寒夜雨半篙水貯冰載江船貫柳上吳市鮮腴特相
勸口福無可比酒子筍孫輩一一供佐使蟹黃熊白偷草
草等奴婢膏脣挑玉葉柔頤剝紫綺漸期廡下咽那顧骨
刺齒鱗脊循序盡落糝賀遊蟻春冬飯屢加立夏茶先擬
覆囀思其餘捫腹告以旨此腹乃菜園一飽偶然喜尤物

當炎夏泔奧俱非計醜糟與蜜漬駿骨何由駛列鼎亦奚
爲鈞石不須起沽酒脫羊裘揮手雲臺鄙

漁家村

桑榆明暗相倚豆麥青黃未收早蠶貓窺籬角哺雞筍過
牆頭導儘風前一犬作家雨後雙鳩曳杖時敲佛屋垂竿
或上漁舟

柏樹庵

雞聲共人語柏社卽蓮龕斗室山分翠長橋水潑藍錯頭
香大麥桑眼倦原蠶欲識西來意維摩病裏參

牛總管廟

虛廊甲馬欲嘶風四敗烏珠孰論功百戰餘生弓影裏十
年往事哭聲中不諧痛飲黃龍府猶貌英姿黑稍公箭鏃
二升消受得小朝廷自決和戎揚再興傳戰死小商橋焚
之得鏃二升牛伯通自言
不以馬革裹屍而死
牖下爲恨故爲北

鳧舟以窰上枇杷見餉小嘗知其佳急封送錢連璧

邵勿準連璧詩來謂被通子嚼盡也次韻答并柬

鳧舟

佳士無雙稱此名南邨難與北邨爭

橫山諸揚亦有名然殊不及盧也

勻

千金彈膚尤潔鮮過糖霜舌自清茶食有時驚北客

劉祁歸潛

志宋使至金

進枇杷子果園何計乞南邨一簞分餉非無意邀頡松

陵唱和情

犖甫以蝦子醬油餉報以金橘餅并詩

周官用醬百二十魚卵蛾子登几筵未知罨黃窄油法麋
鹿羸蜃脰腥羶滷淳散樸反簡要三物既熟罨鹹泉羞官
得此調萬口食肴之將誰能先更淘素蝦罄腹實天關葦
類貪華鮮石湖故人應泛索半餅氣壓瓊瓠干貨殖傳醢醬干瓠醬
干瓠翁翁浮蟻瀉玄酒醪醪沃洎流饒涎但芼蔬材調一勺

可抵稍食糜萬錢鰕生自揣無奢望苦懔脫粟窮天年一
從牢盆日股削牟利翻羨桑孔賢壇丁窮谷常淡食熬波
漉井嗟徒然此時拂席設醬齊肉糜救餓功誠偏我與邵

生窘半菽何人千斛江流填圃回聊致金橘餅冒熱亦備

門冬煎

犖甫約過訪故用
子瞻與元章事

題崇真道院

清泉與白石在心不在境世網尙搜寧終南祇捷徑都亭
雖浩穰道院足幽實况有老黃冠玄風振塵柄塵影開妙
香市聲隔清磬泰宇近天光諸根徹圓鏡涼飈散幽篁灑
然步虛聽蒲褐雖未依景象先可評瑞鶴或再來高閣幸
可凭閭門十萬家煙氣鬱如甑高真亦攢眉擾擾何時竟

詠齋

誰畀山居祿野蔬此冠等迎冬冒陳根霖雨滋荒町作羹

爛著糝淪菹脆削艇朝携靈照籃午炊放翁甍饒解肉邊
菜甘廻飯後茗傷心荒徼外抗志西山頂

高力士蔡元
定皆齋事亦

有獻芹忱庶幾調銅鼎

探支除夕行

并序

辛巳季夏庶疫剛痺僵仆相係樓羅者掠錢打夜狐齋
塗炭罔效姑咎歲之不祥於六月大盡如除夕之儀可
除舊災迓新禱此亦鄉曲之愚可笑者也作探支除夕
行

重明鳥不來但呼車載板風聲騷騷日色黃恐獨炎官撤
火繖兒啼阿爹女哭孃哭未成佞身亦僵一邨往往炊煙

斷游光野仲淹披猖直是此年鬼當令化日舒長人苦逆

愚心悄悄代天謀截取秋冬作元正月邊

月盡爲月邊
見公羊注

便

是大除夕湯餅堪充年餽任轟轟爆竹破鬼膽責臺只欲
逃鬼伯云何消夜果浮瓜沉李冰磊砢云何序歲酒碧筒
滿挹鬪樂坐銀漢橫斜歲向闌笑吹楸葉當椒盤逐貧并
欲煩侂子悲秋無奈入新年先生僂指得巧歷五十之年
壽已百懔懔兒女亦歡然乞巧可中得人日

哭江生

并序

余居鄉日久朋從寥落青青子衿匪獨無可教亦無可
語雖處鎮集逸焉如蠻笳晚得三四人聊以文讌自娛

江生岷發其一也無幾何以暴疾卒生遇余作詩尤力能體物惜其方進而遽已也效孟郊體悼之

孟郊哭盧殷我今哭江生兩窮判一哭盡淚無盡情我亦自有淚不爲逝者領向非逝者感灑淚亦不輕白日無生氣黃泉窮哭聲氣息一不屬何知享令名令名况未立鬼伯有嚴程

我性固寡合介特如狻猊所居非仁里目我爲怪魁眉頭灼熱艾心下淘寒灰毛羣嗥且狺一言無所諧石湖有逸士左提而右攜最後遇江生碎璣投我懷天寒聽苦吟聲若蛩蚓哀我病擁衾坐技癢顏亦開摧爾六尺軀增彼一

掬泥奪我一日雅負此長年悲出門見人類擾擾徒推排
自我得江生經月一放櫂朱生操杖從錢許折簡召江河
導正源經史飫厚犒子時不聽瑩撫掌助鼓譟舉頭如許
大開口得幾笑我福不蔭子異物相妬媚棘針裂長風鬼
臂倏然掉醫藥罔所施妻孥莫聞教詩心不可埋秋墳聽
哀嘯

刺促已刺促苦辛長苦辛生死天非天榮悴人亦人靈蠢
各有類鳥獸同號呻吟痛惜何嘗知嗟哭了無聞有淚不能
制爲此平生親寡妻與弱子其情豈忍云鼠齧遺文卷
網空酒樽虛堂不忍窺帷燈類青燐痛逝行自念斯須百

年身

口號

露柱燈籠共夕晨
隱囊懶架了閒身
極知識字鄉風忌
置酒難招好事人

捫舌瘖聾尙未能
兒頑猶費譴訶聲
閩房只少高柔福
若論優閒已半生

顛當守穴將牢甚
國務循聲附和工
羽翼無端施白鳥
衣

冠底用飾青蟲

劉暉以進士爲青蟲
見通鑑二百五十

初秋寄懷屠孟昭

商飈挾雨戰炎涼
三徑寥蕭兩鬢蒼
數翰墨場新輩少
開

文書篋舊情長餉錢不擬顏光祿飲酒猶思顧建康官職
粗酬詩過好要期門戶付諸郎

茄子飯猶親膳闕桃花米亦宦囊空秋懷次骨宵吟裏書
味蟠胸宴坐中追悔自多循少壯乞憐差勘保衰窮禮堂
寫定知何日未免間愁動此翁

雞頭粥

便作硫黃服播盆擣卵菱轉喉珠琲細充腹玉漿澄苡薏
仁同淪枕根麪莫蒸舉家那辦食盛饌老夫應

幼學堂詩稿卷十六

吳縣沈欽韓文起

中秋黃蕘夫宿吾與菴折簡見招次日赴約集見山

閣得山字

玩月頭籌讓留詩舊例頒半瓶傾濁酒一閣獻羣山
扇扇
鐘魚歇戎戎竹樹環佛香騰水鏡仙露沐煙鬟風定猶搖
燭雲歸始掩關人行稻畦上蟲話豆棚間霽彩毫端放秋
聲枕畔還對談知敵勁參聽得僧問小病吟情輟新交客
氣刪菰蘆自奇士與爾鬢俱斑

時得琴南書大臣謂天下未必有真才之語聊及之

過中峯南來堂次蕘夫韻

怖鶴三衣蔭驚蛇一筆書古錐埋艸後
蛄勒覆灰餘竹密
日光漏山平雲意舒家風自衰謝莫問
剎竿初怖鶴指國初嘉定侯

事氏

吾與庵十詠

絮雲襯蘆圓四大了無觸朝鐘送雲飛
獨鳥下庭木披雲艸堂

山外復有山住山眼轉礙芥子納須彌
須知此閣大見山閣

倚杖偶吟詩詩成曳杖去花藥向風翻
邀公且少住倚杖處

大士坐雙林老僧摩獨樹根透涓涓泉
稍垂蕤蕤露獨樹廬

雨蛙鬧閣喧風蟬者者發悠然倚鏤頭
一泓浸明月柳池

袈裟染碧鮮疏班長夏結更好雪中聽
宵深一箇折竹院

掃葉煨壺茶寒林悄如許落月逗前窓疎花剛半吐

梅徑

秋架掛疎星青蟲相對語山僧清夢迴夜涼數點雨

豆棚

青穉騰露珠蚱蜢人前哄秋半攜酒瓢秋深洗飯甕

稻畦

橋邊水鷓鴣曾識遠公過清磬敲斜陽老樵弛擔坐

溪橋

光福東平王廟

胡笳吹亂夕陽紅力竭猶能作鬼雄假手豬兒終殺賊斷
頭南八竟從公一城河洛腥羶後諸將江淮宴卧中今日
吳儂舞瑤眊寒泉秋菊共家風

八月大盡日同鳧舟竹堂登鯉山漫山木樨盛開

松桂悅山靜禾稼敦秋晚幾家寥落村數里紆迴坂簪鏡

忽晃蕩繡屏仍偃蹇披林露華高列岫風馨遠畫欄疑故
宮飛蓋憶芳苑金苗散煒煒石骨縈蜿蜿雲遲媚濃熏波
平襲微烜薌澤被名都采掇勤孤爨霓裳孰娑娑綉羽相
繾綣天末埽空青高浪蘆花偃

沿湖出錢家礮至玄墓山深人靜觸賞幽妍

煙霏破磴曲蠡房列山家澹澹半珠抱峭蒨百雉遮池渾

漂擇菜

擇棄也見家語注

屋欹垂團瓜幽馥分風送澹碧平雲加

靡草罅丹實雜樹搖紫花炊新農語樂拾枯樵影斜畫圖
足近攬詩心歉遠媵修鱗忽戰雨紺宇如蒸霞佳處便小
榻意行散頑麻

自嚴山塔院入倪家巷小桂揚菁景物清綴

薜蘿颯暗雨敗麥弄晴雪
網絲庭藟乾幡葉龕燈滅
聚米肖遙岑驚鷹逢野衲
土堆山藥肥瓦楞稻豆結
笠影官路寬籬根邨巷折
女桑蔭穉桂綠油透黃粟
野園飄餘香
苔垣嵌落屑池光明滿
眼松吹涼入骨
蛸蟻導我前
稻芒聲浙浙

次日泛舟下崦至澗上潘氏園亭

巒容獻蓬窻水色清
自照柳絲罩垂竿蘋花顫
過櫂小泊當斜陽
偶步展清眺雲壑本天然
池館粗能肖長廊
桐未陰疎櫺竹已嘯
山亭水榭倚白波
青嶂繞菟裘老空營
鶴

影孤相弔榴房紅漸坼花冠艷如燒潘生釀法傳

潘邠老
見東坡

集

酒徒有常調斟酌秋光中記此開口笑

雨後由鳳鳴岡尋石止菴越虎山橋坐池上草堂

秋茅高沒羊微徑畧可邏薇花失主開磐石無人坐灘腰
夜雨平衣背北風大古樹覆尼庵壁立腹穿破摩天龍避
撐蟠地鼇怯馱土偶盈龕排經卷計錢課雙崦虹梁開一
葉浪花簸腴魚接墜葉賓雀銜新穉草堂懸松扉茶煙起
土銜菊籬綻金鈕蕉窓鏗珠唾雅遊何時忘布韞泥新沈
鳧舟爲余置醴申吳徐諸子亦並以醇釀招邀品嘗
不一戲作短歌

平望細麴真珠紅黏唇一滴如蠟封浮盃盞馬乳醲橙

香透鼻寬心胸東陽恬酒稱蕭公

見梁元帝金樓子

鵝黃酈淥顏

色同別腸導引丹田迺女貞福橘原家風鶴觴何藉沾耶

筒潘生釀法雋革工芝華銅井媿樊桐清芬不啻傾碧筩

上尊美祿瘳衰癯冬釀接夏醞再重索郎翁合如笙叢茶

品已門密雲龍主人攜挹猶告崇

鄉飲酒禮主人再拜崇酒注崇充也言酒惡相

充狂奴故態判一中十年飲濕思萍蹤

東坡詩五年在黃州飲酒但飲濕

惠泉鍋巴等頑蒙百花木瓜皆老備紹興高粱苦阿儂劇

若刀箭鬪上攻快哉一洗猥酒空不滯不泄春融融狂朋

沙汰歡伯充獨客斟酌尤從容金盤露飲誠齋翁

楊誠齋詩自注

家釀醇者東坡釀蜜身作蜂何須葡萄天門冬糟丘今日

爲金盤露

真登庸醉鄉草草王無功

張山人送杏花一枝索賦

紅杏深秋門晚妝野園分送一枝芳
籠頭縱有簪花興只愧星星兩鬢霜

鴉香傷白燕來初卅里風光錦不如
莫怪淒涼貧女感關春占盡宋尙書

童子軍持汲水譁豈宜遲暮炫才華
山香一曲隨風舞輪輿陶家穩重花

軟紅塵土厭京華老榜殘年益自嗟
我識張翁調笑意背

時人看過時花

錢改齋餉武夷小焙索詩

建溪官焙三十二北苑首推苦竹園步武纔分色味減沙
溪佛嶺殿壑源漕網馳上驚雷莢豪貴傳玩空流涎天地
菁華有消長武夷白乳陽崖蕃散焙輕點膏未竭二十四
器堪半刪古碾屑今全葉故陸羽
二十四器大半可刪烏蒂白合茶病略蟹眼

魚目湯候難嗟余此事無能役一貧只重瓢與箆舉盧掇
染赤如血策勲亦足祛昏煩風流復有錢安道晚甘遣侍
書帷寒收藏諒無佳客供野裡自拾風爐煖雋永試燂兔
豪盞滿面欲聚雲脚翻色細馨歎字見茶經盞
秘之別體洵門品一

水兩水須臾歡秀實寒乞左顧笑君謨老病旁煎看咄嗟

癡物纖纖捧嬾床摩腹佞堂餐

集韻佞食至咽

此酪蒼頭乃愧我

藜莧腸肚澆瀾殘文史物能博先飲闈中又無李易安期

君發興置茶具

范蜀公偶有之溫公鶯日景仁亦爲茶具耶

都籃一杖尋秋山

煎茶博士試三昧五盃共賞楓林丹

茶經云一盃盃數少至三多至五

鹽鴨卵謝榮甫

承州積水環遙隄羸羸飽飢青頭雞綠蒲聚沙白團產

耶爲

白團見法苑珠林

魯雞欲伏疑兒啼鹽霜灰滷代菰菴紫金赤土

佳封題

李兆洛鳳臺縣志紫金山產赤土以和鴨卵則卵中黃色紅潤

籠盛南北供鮭菜

金明池上故事稽混沌面目難雕鏤

雕卵見管子鏤雞子見荆楚歲時記

乾

坤縮蹙藏端倪豈知通理含至美膏流丹溢披團臍玄黃
變色正不惡碎援亦芼薑與醢糟丘風氣固小遜

糟鴨卵
經年尤

佳 杭皮色澤那便低舉家正食兩弓米每飯不忘一九泥

重之可捨干城將一欄易畜艱稗栖嗟君空飯未啜泊五

卯輟饋煩輕齋盛粹剝落厭腐齏

廬陵集注均人以
腐魚爲落頭鮮

刺箸

旋轉驕蒸藜不持嚴法華供養何意磊落堆圓稗雞陂鴨
城石湖側生活自可分耕犁韞蠢俗物啖馬矢貧饌聊爾

參黃齋

歲除詠物口號

皆俚俗扣沿補石湖俳諧
所闕以爲風土之一端爾

送竈柴

冬青柏子幾樞分屋角光明再拜焚宰木百年誰保得荒墳
掘盡向新墳

年饊

纔分臘粥浙吳稷口實新年口數贏
打量乞兒知氣象隔鄰已有討饊聲

鄭司農云清朝未食先進寒具口實之禮

門神鍾葵

唐賢風味逐年灘面目崢嶸鬼慣看一帚稀漿乾閣了傍人門戶不成歡

撐門炭

烏銀不辦滿爐開年景些些掣爨材冰冷蓬門好支却更

無人送雪中來

安樂菜

菜根咬到齒牙殘非福能禁恁地寒着個一窩書萬卷淡

鹽齋痛爾加餐

廬山歸宗寺淡鹽齋最擅名

萬年糧

饜雌捽茹久忘吾隔歲餘糧幾日娛直得人生數寒暑東
方何苦羨侏儒

壓歲錢

搭揉漸覺小兒嗤年例由渠那管貧所得幾何迴笑臉爭
教十萬不通神

春聯

租牛券字耀門楣一幅稍來得便宜小試玉堂春帖子都
都平丈詔童兒

挂錠

工夫刻楮巧編連趁作東厨買宴錢此癖鬼神消不得可
伶竊棗有諸天

貨郎兒擔

粉黛成包花朵新叮嚀深巷喚頻頻東塗西抹誇時世可
念天寒袖薄人

朱子含送黃芽菜餈酥

京東晚菘披玉葉吳下乳餠粲雪膚飢腸間香抄雲子重
樓咽波揮酪奴挂頤朱竄搖食指行官輕齋慰老夫頗思
羹滑批禁鬱急玩膏面除當爐如作象箸不糲食子乃困
我傾貧厨杜陵布衣愁餓死畦丁菜把幾日娛權門絡繹
致土物牛酥百稱猶嫌麤鄧洵武留守西京以牛酥百斤
遺梁師成江端友作牛酥行
定知措大眼孔小鼓腹正爾權錙銖愧君悉索無可報哦
詩有字非驪珠

宋子京

老年文字始嫌吾少日齋鹽不負渠翠袖幾行圍絳燭醉

中灑筆草唐書

程正叔

紛紛五鬼滿朝政只少尊兄豈弟風却怪髯蘇善嘲弄麀

糟陂裡叔孫通

聞見後錄劉器之論曰程願歐陽棐畢仲游楊國寶孫朴交結執政子弟指紳之間

號五鬼按器之爲溫公高弟持不欺之學與蘇氏素異論者也

除夕偶望

雞栖爭上樹鴉陣嬾行田白綻梅梢雨青浮竹外煙呼燈
挽往日飛雪趁新年何必山林往柴門故悄然

雪中作

綿綿不已雪爲祟默默亡何酒策黥相對雁眉竹尊者堪
邀煖眼芋郎君瀉庭暗似翻盆水嵌嶺明于出岫雲料得

故人無荷鍤兒曹底川掃門勤

雪消

鳥爪星星全未搗龍鱗昱昱已如蒸檐溝聲急晴天雨屐齒痕融陸海冰竹倚風輕聊綽拍山屯雲重尙模稜詠花人顫鵝屏夢欲畫江南春未能

正月二十六日黃蕘夫過訪辱賜詩章并酒脯次韻
雨汁忽經月前榮未覺春足癩門久杜眉鎖鏡誰伸旅進
吹竽濫窮年刻楮真多情黃叔度爲拂半牀塵

杖履頻高會能探郭外春絮雲樓角墊絲雨水痕伸詩入
新年富交從白首真還持一尊酒慰我甑中塵

二月十四日銅坑探梅

新詩倚櫂緩聲歌
下崦人家蝦菜多
不爲梅花遊亦好
一奩明鏡點晴螺

銅坑撥舫面迎風
山脚噲呿響石鍾
水鳥莫嫌遊客少
遠波一點策先鋒

邨落西華望蔚然
笈簪日午半梳懸
煖風鼓籥紅纓簇
爭看新郎過大船

屐泥微帶前宵雨
額汗全催半日晴
水濶山高行不得
將無歸去謝梅兄

斷橋流水暗香隨
不怨斜陽立少時
照眼玉瓏璫一樹
分

明銀燭粲吳姬

宗宋檀心閣絳囊幾能不嫁好時光遶枝收拾梅乾去銀

葉微烘夢覺香

隔歲青子抱枝而枯者最芳烈疑卽艾
藜香也山中人謂之梅乾以罨茶食

十五日菖蒲潭探梅

封姨戲駕白頭浪未礙滿林春睡濃得得一株開最早風
鬢霧鬢若爲容

蝴蝶慕門飛不到吾儕壓角坐須臾飢時便把梅花喫作
底遊山帶餅爐

批紅判白空空手羨殺潭西郭橐駝世守內園栽接使抵
他堂食萬錢多

移花分蝶語圍丁一日恩恩罷不能未遣回頭有惆悵清
宵相伴讀書燈

鳧舟送紅
綠梅兩株

花國宣巡思頓遞牛欄矮屋一瓊青啜茶格是殺風景打
當先生送五經

山雀能爲翠羽聲折資春半未聞鶯閒行要補梅花袖剛
遣疎枝點綴成

盆梅

密密疎疎意朱朱白白姿一人幽賞足幾日嫩寒宜的皜
猶洮雪玲瓏與透詩藪齋仙蛻久孰爲寫相思

送屠孟昭知九江

四言并序

孟昭以守闕知府癢痾田里有年矣一朝疏

御屏

之名動春雷之蟄不由試守擢領名郡官人之切曠世
一遇孟昭躬將明之才當有爲之時其兢永淵圖報稱
爲何如也僕夙承交好願然明贈言之義遙抒篇什以
光其行

洪鈞肇開精鏐於煥天網斯張潛珍伊獻農鑠吾友令聞
自中東南之美不觀竹箭惠風汎蘭修雲擢幹遂偕賓盟
遂奮四科讀書秘館將職編摩譬彼江漢導源岷嶓肆于
百里需才孔嘉試予以政豈曰遐播

補何切

臻彼江介期月

有慶暇之彈琴動亦戴星髦士車載匹婦機鳴三得彌慊

四善載揚邁往滋媚允廸持盈春菁方沃秋暉已謝投檄
奔喪瞻林慨舍孰云其邛五年高卧曩子之思子時命駕
及子之憊芳徽疇假後武 聖皇敦戎賢路彈冠濯纓

羣英輻附之子茂寔匪朝于野鶴版頻繁虎符偃僂銀艾
匪榮巖穴歆舞矧茲尋陽實惟名邦單車下教五城瞻風
毋迎毋距不柔不剛但勞撫字竿牘弗通但守惻惻聲華
弗崇迎吏從從子行有日往踐大官如臨小邑昔子先君
夸滯是聖就養明廷不違蓬華慶其鍾子敬揚先烈匡廬
獻萃彭蠡滔滔鹿隨車軌虎渡江臯不養不撤曷副

龍優於喬切

出處殊途榮瘁異條一鷗有屬引領長謠

題吾與庵鐘樓

木末發鯨鏗晴窓面面迎遠青隨客至新綠向樓生稍撼
栖禽夢仍分解籟聲門椎敲百八遙指嶺雲橫

尙欠僧房睡聞根徹夜清松風吹處遠蘿月定中明密竹
暗催暝幽花晚弄清金山傚歸路還送隔溪聲

題宋錢景謚答充守趙度支書

鄭介夫讀書江寧清涼寺王荆公宛轉羅致之終以奮
言天下利害幾死錮之終身錢景謚爲荆公所解送致
孜然推譽不及師弟之分定矣亦以正言新法不便屏
絕于外以死句之兩君子豈沾激于名哉以義酬知已

不得已權其輕重以自完焉嗚呼偉矣介夫事磊磊在
人口而今之學士大夫無知景湛者其姓名爵里載邵
氏聞見錄而宋史撮其書中語爲傳則修史者亦罕能
詳之余故表以詩

新法新經火迫行老臣愁歎小臣爭好官未必能籠絡拭
目熙寧魯兩生

鳳皇盡受訓狐哈傳法紛紜護法來椽燭肥羊享奴輩不
知那個壞人材

蒲宗孟對神宗言天下人材被司馬光壞盡使溫公爲相宗孟能享此富貴耶

曉猿夜鶴乞年光赤馬紅羊付主張賺殺蔡郎朱墨本分

明丁使戲排場

教坊使丁仙現也蔡卞取安石日錄以竄舊史熒惑觀聽幸其朱墨本未亡紹興中

因得改正然李壽長編猶載目錄云備載其言以見安石無忌憚之甚然何如刪定免學者眩目也

憶京師城南海棠

尺五圍前卓酒旗春衫風軟撲燕支十年夢斷春宵雨正是蕪青花落時

瑞錦窠殘又一年薺花如雪野牆邊惟應玉蕊唐昌觀驕得燕山老嬾仙

戲贈胡眉峯

生龜脫筒俞清老瘦馬立巖林爲之

眉峯中歲有傳其出家者而無絲脫俗如

俞清老也弟子肥如狐先生瘦如骨山峇贈林爲之詩

正以三杯淡生活更于一枕

小機宜波瀾不起成智井香火全無似廢祠錯認石霜村

蔗滓飛揚可奈少年時

李補樵道士送碧螺茶兼酒

洞庭茶塢冠水月偶揀小芽龕供佛誰令包裹鑽龕官干
杖敲鏗動幽蟄天生瑞草翻爲殃吏捉民雞被僧鉢往時
虎阜白雲茶忍死根株痛剗絕碧螺峯下山郵長穀雨青
煙焙箬香只須靈源

碧螺峯
傍泉名

較一雋底用門品充初綱枯

腸搜括夢奇渴烏蒂白合滋嘔噦珍重玄都兩匣貽竹外
瀉翻雪甌活方外論交指石鼎清風引我天池頂兩鷓併
壓松醪春惟恐對花殺風景烹茶不雜雞蘇煎酌酒攤巖
手一篇僂子肯爲兒早魃

黃魯
直事

先生閉戶已十年作畫膝

詩俱不惡雲臥亦未下山脚想師盤礴解衣時似我沈酣
讀書樂先生自樂妻孥病何不強起營三徑眼前擔得茶
酒爐勘災沿檄還樂無

朱時士大夫並以茶酒爐隨身今惟印官猶有此風耳

橫塘

越城草色吳城接家在巒容川色中菜地黃黃攢印子甕
天碌碌積芻童

市宜與陶罷
疊如樓檣狀

高臺枹鼓鳴夷客畫舫吟尊

壽櫟翁只愧平生釣鼈手石湖間殺綠楊風

題陳希夷睡起圖

巖扉欠伸畢五代笑口如河墜驢背後唐進士宋官家蘇
壁題詩志亦大他人舡睡那相容九重輾轉一榻中

問見錄帝

幼學堂詩稿 卷十六

謂趙普曰睡不能著一榻之外皆他人家 豈知日長援鶴靜鼻息正爾搖松風

往時鐵棒偶相揖二帝一公酒家集學究何會識字來花

而不羞神筆抹

石林燕語太祖以筆抹趙韓王面曰汝爭得如盧多遜

貴人滿眼無

仙骨一枕黃梁催蒜髮何不喚取乖崖張老子同夢十洲

三島裏

題王明清揮塵錄

明清外家爲南豐曾氏在姦臣傳之曾布其外曾祖

鐵圍山訟死老魅揮塵錄明曾子宣但有家風通翰墨也

教幽厲快黃泉

布子紆作釋誣明清承其緒論遂極力爲之營護

章甥亦有黃師是牛糞堆中芝草鮮斷當敦夫先朝露蔡

郎破汝草鞋錢

山谷荆江亭絕句敦夫若在鐫此老不令平地生崎嶇謂其父那怨首造宣仁后之

謗也愚按敦夫不幸早死君子猶有稱惜者若
王雱蔡卞何爲哉凡子弟宜以敦夫爲法可也

立夏日

園林爛漫百不窺牆外柳花時墮衣二三眠蠶儘晝永一
兩陣雨將春歸短夢欲尋茗盃崇遊絲未歇香爐罪端須
竹光覓一醉梅子生仁豆莢肥

初夏 進退格

春不商量悄然去吾儕端亦解忘機濃桑陰下接麩麥新
酒香中嗽海螵花片風輕燕巢定水紋雨過筍船稀北窓
天際真人想已是蚊雷吟喝時

海螵川黃魯直食筍韻

蝸踰等渺躬是豈供鮭菜漁獵波汝曹覆載工見賣但假
稟氏量無勞陳孺宰泥沙與澄清蠅蟻思破壞藏頭賦鹽
筭斷足償錢債巧伺寄居蟲棄殼取自介亦笑過江僧大
嚼不帶芥往在廣陵餞春吳穀人祭酒出此品蓋鄉
味也江都注大竹素不委乃鎗齧齒牙間此技
輸織兒聳喉快一嘜嚮卷若雋永臭腐堪噉噫么膺皆含
生何用恣漉采

食筍仍前韻

朱泮漫無施籜龍當家菜蘭栗亦未供尺握作斤賣鼠壤
藉他人有爲不自宰口腹累此君數輩兒孫壞稍醒草芥
腸不償殺青債不忍著膾盆參佐薑與芥高韻憶文同若

節懷石介幾回咒南風傲簣猶擬噉兔對值杜韓髡斬一

口噫

杜詩惡竹應須斬萬竿
韓詠笱兒癡調盡髡

安得千畝園剖符爲食采

題黃山谷內外集

陳推蘇挽信多緣便是叢林七祖禪妍妙輝光端可覓全
人反覺脰肩肩

跛龍欲追騏驎後撩天四脚踏泥滓固知名下題詩易風
義終憐李仲寧

紙尾不書陳運判花前却吟王舍人閑窓細嚼江瑤柱往
往泥沙礙齒齟

歐舞梅歌醉欲扶當塗風月更楊妹人生得意誰能料又

展宜州萬里圖

借書戲贈黃堯圃

歐九近視少讀書張公一閱銘胸膈鄙人健讀復健忘况
值一貧事事借去古彌遠學逾艱九十程功纔半百借未
入手問還期何啻旱田仰水則忽盈忽虛一闕市日納日
消兩頓食縈心曲折蝸留涎過眼虛空鳥滅跡欲追叛亡
失其符了知窟穴無能役有懷平生未見書日譽龍肉難
求炙何須心量爾許大恨不囊頭兔園冊久知黃侯富圖
籍杭蜀檢詳有朱癖于我不將家約施婢娟相好通脂澤
惜哉黃侯亦苦貧高價漸捻歸有力富人只辦謝萬豪編

錢作簿聊夸客鄙人但求有字書經涉稍多意可測扣公
囊底固不貧跛牂未敢望牛瘠發棠後命幸籌欵戍甫偏
師乞番直愧少一瓶酒相將爲公校理別朱墨扁舟堪寫
借書圖畫師今恐無林逸

銀魚

遠水飛絮亂淺灘晴雪收鱸殘鳩一族葉萍漉千頭垂何
何曾識烹鮮亦自羞那知么廨外鼓鼙覆滄洲

題黃香涇遺畫

羊城春暮袂衣寒采色新調露未乾一囊木棉紅雨過佛
桑花外日三竿

幾隨蝴蝶作飛灰嬌女猶攜玉鏡臺一朶妖紅解人語題詩須待子瞻來

題陳后山集

后山材品固不以王掣李鳥輩期之然亦有不可解者當教授潁州得值蘇公

堅不飲酒其後閑居復云莫欺九尺鬚眉白解醉佳人錦瑟傍又云大放酒腸須蓋乾又云南隣却有新歌舞借與詩人一面看甚則顧疎簾通幽夢效杜牧之清狂豈學佛人語哉山谷中年爲發願文飯佛蔬食晚乃擘蟹烹鵝極滋味之養大抵宋人堅僞敢行持久不可掩介甫正叔所以紛紜也其詩塞吃盡文已甚任濶巧爲疏通土木而文績之終不能掩其朽鈍也

任生定非羈落曾公別有寒溫一塵漫參曹洞百金誰攫

韓門

三印堅持西竺一杯肯爲東坡漸想佳人倚瑟遙同居士

烹鵝

新經罷門前鵝微官動殿上虎一寒不借奇溫江夏羅襦
久裹

死港引人絕智閉門覓句騰嘲誰辦哀梨并剪爨香試爲
孟郊

鮓魚

楊花逐春潮青條貫吳市適如樛子大瑣尾誠贅耳天公
復小斲銀鱗不汝界磨刀姑藏之寵妾洒然喜骨鯁真取
憎人情悅軟美穩送喉吻寬吐棄真無幾稍投狗碯睡搖
牙聲不起四時評食制首夏無與比筍嫩蠶豆青盤食易

料理十飯九不肉得此意良已但憂炎風扇平聲落頭鮮無
似

示箕衍

空憐擾擾魚同隊難評昂昂鶴立羣譬口漸聞呼蠅鼻私
心猶望長蘭筋知余問舍求田拙在汝修身爲學勤桃李
不成荆棘滿可无阿買張去聲吾軍

追次黃香涇韻書所貽牧石長老蔬果畫卷

自子入鬼錄歡顏鎮綽虐檐瓜蔓仍垂庭葉帚誰縛雄心
折種菜一稷地未畧慨然追幽風灑墨阜螽躍莽莽上林
蔬灌漑心苗作羅羅桑門饌采擷爪痕著尹白與陶續林人

尹白始爲墨花東坡題之疑前此未
有也陶緝菜畫譜不載見王半山集
佛屋深藏壑海會半

頃園秋高風索索按圖指食單醯鹽易勺藥畫師示實相
藏神守常樂百毒殺殘齋一鉢芼餘藿委蛻各菌蒸沈痛
親艾灼桑棗循良課菽麥清狂度老我濩落難意趣苦匏
託應添抱甕人槃散繞邨落開卷風露香題詩冰雪嚼肉
人不鼠如拖腸流其惡日使旃陀羅滿城搖鈴鐸

傷邵肇甫

良醫不遇初和甫夙命仍爲盧照隣五月下旬庚子日石
湖人作汨羅人

知君乞死彌三載死後黔婁百可憐更沒江家小兒女誰

夕星生言和

營湯餅哭明年 死日即其生日

橫塘一櫂聯觴詠病體躄躄尙苦邀名士枉將炊餅畫好

詩賸作紙錢燒

乍可容容龜曳尾罷休劫劫豹留皮看君有慧終無福似

我猶貧已較癡

狀元籌

莫作崢嶸氣 幽閒鼓吹以喬彝 頭籌有慣家鎖廳名自奏

曳帛手空义稊稊成孤注巍峩得渾花與郎聞喜宴笑插

玉梅斜

紙鷲

便足凌雲志都忘纜索功稍低鷹側翅歟起鶴盤空辟仗

干尋響傳烽一點紅沈寃猶不洗箋恨乞天公

獨醒雜志
淮陰侯與

陳豨約從中應作紙
薦以爲期謀敗身戮

面具

面目饒伊換心肝肯汝回高郎穿陣出褚老障羞來故物

同遺笏

狄武襄事

精兵更背崑

銅險韓家鐵臉張家
言韓家軍帶銅面具

桂江八百

具若箇好人材

老學庵筆記桂府面具天下莫及所貢
一副乃至八百枚老少妍醜無一同者

泥孩兒

塗飯塵羹裏居然竹馬鄰得憐桃梗妒與弄粉侯親黃胖

還爲土靈媧惜此身鄜州小兒女話舊一酸辛

鄜州田氏
以泥孩兒

名天下見老
學庵筆記

不倒翁

喚作酒胡子龍鍾力强支脚跟猶自穩面目竟何施小着
參軍手能開錄事眉諸公拚醉倒可惜舞傲傲

題張進士應雲陶然亭餞別圖

春開燕罷威麗駒齊轡驩迎赤轂車初入宦途心地好了
知官事友朋疎亦嫌老僕生新敬盡棄時文驗古書他日
懷甄頌遺愛諸公袞袞復何如

中秋同黃蕘夫宿吾與庵是夕月色不佳

載酒呼山月猶嫌地主貧停橈遲一飯買柳得雙鱗遠馥

籠青嶂微波蕩白蘋鐘聲迎客近雲色羃天勻攤卷分僧
榻關門散妓塵今宵拚擊鉢隔歲爛鋪銀張燭傳餐急攜
筇上閣頻輝輝開木末鼎鼎問河津稍喜雙眸展仍邀半
面親吟蟲相鼓吹班草與馮茵瀉杓嗟無術傾壺幸有醇
松亭曾獨立竹徑且閒巡消夜歡仍故尋詩局變新年年
足清賞老筆動如神

中秋後一日與堯夫坐雨山齋題澄谷大師話雨舊
圖以杜詩十字分韻得已公茅屋下五首

霜果啟齒粲風篠折腰倚涪翁新句子揮豪託齊已雨意
濃於酒蠟屐難料理清吟得檐聲今昔聊復爾

山門無剝啄茶煙澹搖風列嶂寒擁絮老綠撐空濛詩成
雨益急檐溜鳴淅淅眠月讓吳質停雲悵陶公

家風問寒石三間蓋頭茅園蔬喜供客留詩費傳鈔雲龕
人寂寂邨舍雞膠膠秋蟲重鳴咽吟苦如孟郊

秋懷掩柴關畸人慣孤獨洗硯就斜溝移書避漏屋幾能
借僧窓談詩侍松竹便衝烟雨歸孤舟睡自熟

老樹能嘯風亂雲作奔馬槁梧但目存麗景非蘿苴秋嵐
碎屑空雨脚出其下餘潤到詩腸紙墨供蕭灑

無隱庵分韻得隱字

日光穿漏更寒暄桂香泛濫迷遠近扶頭苦竹尙垂珠暈

頰野花新褪粉蛇行一徑折牆角
龜伏半潭礪石吻山堂
高有綠中餐沙徑淨無塵可
拔松粒分風雲陣崩栗皺罅
雨苔泥墳僧如瀉仰傳衣來我
愧巢由買山隱詩境無窮
最後圓秋心不盡從前蘊
偷閒一榻展圖書笑摘萱蘇與
蠲忿

幼學堂詩稿卷十七

吳縣沈欽韓文起

將赴宛陵留別親友

齋鹽送老有餘歡分作長名勝內官賴是一生閒處着瞿
礪不作俗人看

中江東下簇昭亭家具無多只五經滿眼故人重煖熱可
無張徹宿寒廳

汪生

天鱗

數見訪意氣甚厚並乞留余著述辱詩相

示奉答

老物羸垂已可憎鉛刀何啻發新礪敵年唐尙方爲史薄

宦匡衡漫說經豈有舊聞貽小友空將故紙累添了十年
寥落棲家巷無奈分攜眼暫青

正月月中旬穹窿道中

落梅風勁拍衣稜一月春光尙勒停雪罩松巒纔破白煙
抽麥壠未全青雞催客飯攜耕耒犬導人歸擔酒餅安得
移家向深塢免教人識伍喬星

無隱庵四詠

松寒泉復寒翠微深雙闔橫枝舞蒼虬歲月較僧臘石骨
被濃薰苔紋盡艾蒨春風爲散花香雪紺盈衲我來惋稍
遲攀條繞幾雜何如披鶴氅一逕雪中躡空有惜春人古

佛笑無答

問梅堂

羣峯鬱鬱抱凹處，水輪涵不知天闕。懸疑有山神，捧巨石塞軒窓。仰首見瑋琪清光散，林樾輕雲化洶溶。片葉落澄潭時，聽潛魚聳萬籟。自孤寂，草根暗鳴。蜚道人詩思寒米

囊一肩擁

涵月軒

嵐光木末飛，日色苔紋漏。佳客循廊來，窸然笙簧奏。靚妝衣袂鮮，軟舞腰支瘦。叢叢蕭郎筆，石屏半天繡。幾竿偃雪深，滿林颯雨驟。四時無不可，蒲褐貪宿留。想見苦筍抽春深，一盤竹

倚碧廊

亂雲競奔馬，四山作馳道。一鞍跨高閣，意氣凌蒼顛。全真

幼學堂詩稿 卷十七

暮樵歸孤明殘霞抱積素已鳴泉東風未綠艸細語接幽
厨巢楠正靜好古松入畫圖疑出畢宏稿狂欲借軍持山
邨沾溼倒

陳造詩山瓶餘溼倒注邨人以野醜各溼倒飛雲閣

梅花歎

窗前玉梅我手植已作兩春諳知識今年惆悵將訣去不
辭爛漫逞顏色根荄雖淺灌溉功芳烈自完造化力去臘
苦寒萬木僵珠琲纍纍伺消息霜鬢雪鬢保其貞却令風
雨勇披瀝乍日把杯翠色浮今朝狼籍塵沙黑吁嗟志士
偶舉手百祟睚眦巧摧抑凡葩惡草滿川原東風多謝吹

嗟急

入春以來甚煖則寒寒極復風風止則雨互相圖回
殆無佳日春分前驟煖易日作寒繼以震雷夜乃
大雪此亦五行家所念者紀以小詩時道光三年
也

裘葛相更一日催賣寒賣熱是黔雷轟轟震電先開隊勾
出天公玉戲來

豐隆青女笑周遮了事封姨是歇家賺得做裘剛換酒卻
教攤絮看飛花

登舟

一官小博士數日上農夫心喜登舟適腰愁執筆趨兒頑

呼覓句婦健看縫襦只作浮家好人情重可呼

陽湖道中小寒

要釀清明雨春光亦有涯綠醅全泛水白筆半簪花午枕
恬風緩春場鬧日斜短亭四五里天際黑雲遮

清明雨

無處尋花柳推篷雨亦佳爛溪新漲起羶渡濕雲埋艇背
魚鷹掠蘆根蝦虎排山塘小兒女閒殺蹋青鞵

宿固城鎮

水面疎星上橫舫楸柳榕擘流奔百瀆負土截中江短夢
搖征櫂潛鱗躍下瀧長年夜深語冷雨打篷窗

渡高淳湖

擁絮更支短枕撥爐自焯孤檠安便風力帆力拉雜雨聲
水聲遠渚樓禽未起前灣釣艇猶橫欲問臺濛遺跡重重
雲擁江城

宣州懷古

滄滄邨醅倚半甌苦無鄰舫與深談橫江千騎奔蘭石繞
郭雙溪落響潭精卒田頔山削鐵新詩謝朓水拖藍衰年
已罷登臨興黃蘗家風或可參

寧國溪行口號

一重山去一重來一道溪流百道迴水陽柳向中流插尺

幼學堂詩稿

卷十七

許波肥轉怒雷

前山雲盡却生煙
細雨斜風儘歇船
石底遊魚篙眼聚
磯頭宿鷺纜橋拳

壯夫十萬盪雲根
鍾梵無聲掩寺門
想得千尋飛瀑布
一篙添上釣船痕

得魚不賣釣魚師
排悶都無酒一罇
睡足雨絲風片裏
向來只道冷官宜

泝東溪滯留五日遇順風方達河漈溪

峭舊柏視山青
入宣城郭沿河信
宿中旗鼓相對著
石稜
剡水開拖舸聲
砢砢勢排鐵
浮圓涌湍快
一落榜人嘶絕

叫投篙若投閣知難自欲退止止且維絳泉紳挂雲頭波
鱗散雨脚枕流與漱石宵夢常綽虐晨食倚帆檣蹙口風
色作蹲循市語喧眉間愉色各迎吏鴈鷺行偃蹇復怵隼
卑官類兒戲乍喜免羈泊水廳固荒蕪酒埽愁力薄山城
如斗大東道更落寞

送葉廣文

選

相逢未穩卽相違寂寞寒廳杜德機餽口一官真送老等
身萬卷不用饑涼風暫至吾應卧春水方生子欲歸好祝
長年大雷岸西窗翦燭照離帷

初夏登宣城郡治北樓用梅宛陵題豐樂亭韻

峯色引溪色平視欄楯下揮手向青冥雲脚舞野馬纖颺
竄林葉颯然白雨灑方奩露鏡光百畝快一瀉走檝昔懷
遐盍哉今迹假綠淨撐孤幢青裊噓萬瓦積陰从茲豁物
象不我捨老柏鐵磨瑩不許蘚花惹駐日罵調緡尾春榴
破冶山水覽自都俊遊接苦寡還思跨銀鞍聯句昭亭社
蟲蟻戰亦酣悵然柔翰把

時以校文赴
郡故有末句

送李秀才

汝琦

歸合肥寄陸祁生

金斗城中遙問訊蓮花寺裏昔論文相逢老瘦應驚我自
覺疎慵反望君溫飽不期終若此頭顱如許復何云江淮
倚席空留滯喜見侯芭似子雲

答李子玉元韻

題襟攜手太怱怱五月長江船趕風儘有高梧宿鸞鳳爲
誰悽切草間蟲

雨雨風風煖復寒芭蕉新綠展檐端相將河上詩吟罷一
倚山樓疊嶂看

一寸燭心休更翦三杯酒面藉相扶新詩戢戢雖如筍去
日悒悒不駐壺

不寐效梅聖俞體

短燭盼曙色黠鼠訶客寐牖隙月轉瓦響熟樞墜久苦
每自笑漸老恹獨睡去日不可挽抱此耿耿志

秋麓陳使君以北樓落成觴客

稠疊晴雲倚檻收，混芒遠水拍天流。
數賢已往仍今雨，五月猶涼似早秋。
老柏盤龍相對舞，亂山潑墨半空浮。
欲呼低首宣城客，鐵笛吹開萬古愁。

中元節

露色綠莎上空庭，自啄鴉藏山苔徑。
竹映月，豆棚瓜老遍打頭屋。
秋高洗手花，孟蘭盆已倒殘暑。
尙成糶。

往臥里中許處士黃戶部常相過從中秋花月映發
作數日遊賦詩飲酒竭來寧國土俗無佳釀皆東
坡所謂醋著水也無力傳鶴觴則止飲中秋未見

桂花生趣索然偶僕人折桂一枝云民家僅有此
株不作詩久矣聊以貽親故

山灣千斛鏤金塵澗上朋尊玉露春到此曇花纔一現輸
他梅蕊有雙身廢詩年譜旁行少無酒星盤添註貧卅兩
俸銀爲歲給婁羅強欲號官人

苦雨謠

修羅疾戰雨兵仗經月耳聾檐溜響行人斷絕魚蝦跳屋
底瀾天不敢仰黑雲一朵起山椒漲空白霧傾天瓢轟然
劈下萬鈞石滿村人畜捎長蛟縣曹泥水一尺深長官刺
促弦解琴借問長官何所作大好金錢褚幾橐奔山避水

急擔夫傳語不民且勿哭小民叩心走訴府長官騰牋賀
時雨府君色變羣僚駭時哉時哉此縣宰

署令魏駿猷也

大水謠

雨聲稍緩江聲怒南湖北湖相俠輔炎風駕浪幾丈高人
戴魚頭撇波去杉棺未碎撞高屋簣牀尙存棲老木布筏
操糧何處援滔滔吳楚空瞪目兀兀青松猶露蓋松下人
家嗟安在大官封章且報災姦吏耐神當振貸座中有客
顏濯然求田問舍凡幾年十頃穰穰燒薶盡千匹好絹投
深淵我謂此非清俸買貧無立錐轉蕭洒官員已歎不聊
生耐可流民號凍餒

東舍借貓

宵中鼠耗如奔馬，鼓腹跳踉奈爾何。肯借狸奴踈步逐，策勲先爲繫紅羅。

哭徐閣學直卿

科第如收領底髭，鼇峯轉上鳳飛遲。九卿不待桓榮老，黃土能無玉樹悲。

學如賈馬班，差顯官似楊劉貧。尙嘲今日孤嫠，哀法賻可

能回贖海棠巢。

登第後以葬親嚮所居海棠巢其書舍名也。

冗員準倚故交情，不獨孤寒淚暗傾。我與陸郎尤痛苦，折腰仍領白袍行。

陸祁生信來道教官候考尤苦，惟少鶴學使可以故交自便，一得因問若痛在身。

看君登第看君貴，屑屑卑官望使輪。生不通書死通訃，失聲知已復何人。

送艾明府

濂

歸鄧州

當年捧檄指雞山，懷絕南陔風樹攀。小住申江理烏榜，還歸西洱照蒼顏。畬田俛布輸邨帥，瘼市魚鹽出上關。直道興闡收宦迹，點蒼何處片雲閒。

次黃同叔愁霖四十韻

天瓢挽九河，蛟龍尊窟宅。長江走百瀆，渾流無寸碧。中吳爲尾閭，黃浦洩一隙。決塢歎崇朝，撼扉驚永夕。禾耳沒鰓淵，松根爛虎魄。小喜望旣優，終凶遭備極。眼穿竹筵黃耳。

牯盆翻白臥床三四徙秧田一再易土鳴木杪喧水馬堂

均迹

讀如迹射之迹

郵書塵鞵斷學舍草泥積老夫據槁梧跋舛

闕敗壁故衣蒸全微新札黏半蝕益虛十口糧醴冷三經

席洶洶聞流潦淦淦看沒級每愁山水暴遑願茅齋濕捧

土亦區區騎危幾得得亮多桑戶悲空使杜陵惻又聞江

北魂盡向波中泣魚龍固宜躡蝦蛭亦相逼去作新沙蟲

還見舊瓦礫一塵桑海沸半劫刀輪急疑報黑螭怨故遣

溟鯤溺矣官喪義鞭挾屬藏婦闔成湯旱莫致夸父渴何

及不阿庚辰囚難假息壤塞嗟哉此山城殆而成水國吾

鄉昏墊久行人潏淖陪操燼客招闕具汲童代力飭肥賤

啖茹蛾滿暗蝻麥幾能隙竅縮得免犇衝逆青宇奠山容
黃雲茂土德停橈撫柳椿把竿溫鈞石懷人燈青紅作客
面黧黑頭童戀升斗歷殘垂五十舟車不通商籥箠悉閉
糴明年逃死民恐作乞活賊循分揣素餐殷憂竊肝食本
命何坎珂初官似遷謫向俗聊卑陬對書仍憤激吳淞亦
可慮雖貧勤辦屐

次董侍御琴南韻

候蟲時鳥促相思幾度涼蟾鑒薄帷笑比黃河清費日老
如秋樹綠爭時隨他覆雨翻雲慣若箇求田問舍宜百事
輪君能報 國瓊珥磊落腹中披

學術文章益老成端如一鶚九秋橫公期史策居何等我
讀詩書負此生日麗中天多瑞色風傳空谷有哀聲亦知
一飽艱難甚竹裏燈檠午夜明

白羽扇悼朱子含

故人羽扇相移贈當暑封題到已秋羽扇今年重

去聲披拂

故人初夏竟彌留茂弘端藉遊塵障安石難將小物售此
日蒼蠅都掃迹西風遠道倍生愁

白牡丹

秋杪移栽盼著花最先百五粲明霞絕無好事攜卮酒却
破餘閒試社茶未落檀心舒午日半開玉骨籠輕紗未忘

色相聊枯坐不用敲門到別家

竹閒徙倚最清幽小費排當風雨愁月色已殘無映發春
寒如故稍勾留倘求駿骨煎酥貯欲貌韶顏刻楮謀莫道
山城人物陋要題花葉擅風流

迎學歎

閉眼識錢開眼不識字青蟲一隊稱士子作養者誰父與
師先索儒官過門禮儒官暮氣庸且鄙張樂置酒躬拂几
那知講堂是戲場圍橋觀聽聲排牆高坐羸垂無氣色上
者農夫次白役學究赤老文武師呼歌聲長免刮席宵闌
酒盡益岸然儒官罄折送堂前歸詫老嫗吾知足得好兒

郎有此福明日更速好兒郎高坐亦如丈人行儒官軟語
迴柔腸嗟乎師道不立士心喪禮義廉恥俱消亡吾欲何
爲理歸艤

扮會謠

俗祀瘟神曰五
太子駝肩而行

十面破鑼駭雞狗許多太子拍肩走白日見鬼不自醜縣
堂橫踞三土偶長吏再拜公堂中鈴下餓隸皆鬼雄鬼官
復輿鬼卒騎驃紙錢如雨急脚如風黃塵登合奔學宮講
堂乃爲頓遞館當階下馬烏紗岸挈面解襴作狗蹲雜然
餓鬼分羹飯東家女婦設薄觀阿翁解事聊開顏西家仰
屋自竊歎坐視鼠輩扼兩腕東西優劣何足論竊罵西家

物頂漢

哀貓

鄉村狸子乃庸物畏鼠如虎只念佛益殮分啖不敢瞋人
前几案公唐突賤之不復齒家畜長繩繫頸聽死活偶然
市家得蒙貴氣吞鼠輩始一快暫騰而上卽窮追不爭首
虜已橫潰儒官窮薄食無魚賞功不足肥爾軀捉生蟲豸
或中毒致爾僵仆愆由吾豈惟鼠穴胥稱慶收錄庸奴氣
亦盛天生駑材難策厲熟知伎倆何須偵嗟乎我生坎坷
無一遭所哀豈獨在畜貓

卧疾

寧國水土惡十人九痒疥我來千微祿夙命償此債妻孥
纒五口連染若傳瘵剝膚盡綴密呼暑無鬆懈老夫希幸
免唐麻最後屈一拇首發難兩手旋告敗屈伸職全曠蹢
跚行欲絀猶冀擁蒲褐枯坐存三界規醫復撒豆帖席若
觸蠶刀鍼困披挾膏散厭流喝吁嗟經月來夜眠無一噲

噲息也一噲之
樂見精神訓

豈惟五中消幾令四大壞火炎益滋蔓風

淫爲鼓鞞自肩及尻股攢簇工刻畫巨者綻榴珠細者雜
穉稗隱者痘倒屨聚者陣布卦將護終日勤傷夷頃刻註
盟益終橫流蠅蚋得飽嘍變幻忽風靡診視皆矚怪故瘡
作皴皴完膚生蒂芥或刺如蛇紋或皴若棗晒苛癢甚遭

螿搔爬禁著械一昔駛大劇連旬艱少瘡縱然蟬委蛻不
久甲稔斷桃膠暗黏鷓鴣楓瘦明裂昔家人各含楚撫摩誰
勇邁偉哉造化力空效子輿喟滑叔柳蹲循神女唾狡獪
滋味絕羶腥禁忌到葱薤高手渺不逢完體幾能快苦毒
染翰書嘻其甚矣憊

憎蚊

么膺插長喙婪酣趨大肚飛豹幘脚齊黍民利錐拄或從
樹皮綻又傳鷓口吐偶然子又化亦自蠛蠓甫造物何不
仁血人以乳哺初飛色灰慘營營求資脯一飽光踟澤轟
轟若鼓舞是將踞翠幙寧止闔朱戶學舍本荒穢昏蟲所

鍾聚初夏卽嗚然三伏奈何許稍艱褻與衫恣食背及股
畫哨出遊兵昏市領全部鼓扇殷雷車山沒裊烟縷愬飢
聒其鳴告飽噉然去薰草忌無施揮扇力難努啣憎任貪
憐咒詛至厭苦忍之待涼風寂爾掃白雨耐久仍作朋吟
喝有餘怒丹鳥齋不羞伏翼仙肯捕枕席方病瘰肌肉含
創楚馨此羸困人硬作檀施主酷遭劉邕啖佞喜鄧通咀
朽腐讓同類膏腴擇善處長歎快三啐高棲圖再舉肖爾
櫻桃園增我痲痛巨搔爬或誤傷燎撲云何補霜降不少
衰嗟哉此惡土如何金樓子詭作齊桓語何當殲惡物仁

壽充此字

憎蠅

青蒼醜實繁小者帷幕入將鬚寧可館出穢遽此集扇翼
聲磬隆交脚貌拱抱待旦卽營營向暮尤汲汲聞腥喜遽
遽趁熱衆翁翁踉蹌巡杯案喧闐爭漬汁揮扇播啗散投
湯胡旋急吮墨吻染黔嗽唾唾股遭繫捉生蒼虎躍窮寇玄
駒執雖潔清所厭亦耳目所習每當露袒時僕緣曼膚吸
或于假寐間颯沓滿而襲奇痒中毛孔沉酣守汗濕黃妳
哺不靈黑甜味已澀擊豆無長技拔劔當斬級况我苦瘡
痍正爾恣狂歛分明竭餘膏揚摧當常粒吹毛正攻証痒
肌又拈拾驅去條復來馘一乃佚十得意與幾何滿貫行

自及癡凍看駸駸欵趨駢香香紙窓不得鑽相伴牛衣泣
嗟彼夏二子奈何久不戢

憎鼠

家畜不可馴生涯尙攻剽願力固堅牢向往成孔竅生齒
又易繁老壽不受弔白日獨偵伺暮夜羣號召緣墻塵土
簌拊牀竿橈掉登案嗅菹蕘吹燈匿光耀若爾翻盆瓶罍
然觸鏑銚拖腸旣大嚼含嚼各分俵技同薑善搬志蓄糧
止糶已嫌陰耗亡最恨公喧鬧我病少睡眠百態難形肖
先時掉尾擊負痛乃譽叫逡巡拱手服別羣相嘲諷鴉鳩
緩聲呼戰馬作氣趨銜窠穴中戛數錢帳前繞蹂罔裂文

書狙奮鬻帛帳跳梁駭斷繩踞帑潛遺溺凡物皆改常索
火不堪照肉骨登圖籍果穉填奧窔呼貓狎無怖和藥黠
難釣刀符固未試弩開何能微要當具湯火巢窟攻無噍
或然聘銜蟬丘山獲可料讀如料氏之料妄想亦快心沈疴得善
療展轉曙光來怪鴟款且嘯

乙酉初冬

垂垂瓜蔓對門神喔喔鷄尸送日曛菜圃綠翹封壑雨楓
村紅抹護霜雲俗以冬前雨爲封地開山越無人物津斷
黃雨雲爲護霜雲

秦航少見間鬱鬱久居成底事嬾隨表聖策詩勳

題橫山十景

纓纓翠終古深深韻不闕微風撫遞鍾搖漾一潭月何怪

賞心人詩思清到骨

萬松石溜

環佩何能歸栖鳥驚一起寂寞蒼煙中草露光凝凝正當

罷酒時曉鍾聲動矣

蘇臺夜月

陌上荷鉏歸橋邊曬破網松頂碧烟裊香客渡船上

香客見隋

書經 籍志 翠鳥一雙飛湖光澹澹晃

上方夕照

遠帆若鳥翔近帆垂雲脚蜻蜒抱艖牙前浦夕陽閣忽過

分龍雨盡向橋西泊

西塘颿景

熏黃笠上日縱橫渡口舩鹽米分包散村墟起炊煙冠皂

驅亂雲北風浩無邊

蘭舟古渡

蘆圖方晏坐間根喧亦靜萬木撐漏天風脚翻綠影茶煙
久亦歇起把琴弦整 茅蓬聽雨

萬柄綠方酣不花自有香明珠瀉落落朝光葛衣涼扁舟
蒲稗外煙消響鳴榔 蓮塘香風

昔我館橫山草閣尋詩踵白雲圍翠幄松花落可捧往往
讀書燈熟數鍾聲動 薦福晨鐘

苔衣青四時翻波有餘潤隔夜雨聲大鄰園接竹引無復
窺園人柳綿撲陣陣 水堰觀澗

堯峯與高峯一夜頭盡白飢鴉啄石馬屐齒了無迹惟應
訪梅人受此冷將息 梅灣積雪

預賞中秋招汪子經

蝨禪偏側四經秋
擺落空樽裝客愁
豈可頻頻負風月
自憐了了窘詩囚
商量破例追歡笑
跌宕當年足俊遊
要拜南湖爲上將
索傾家貨辦新篋

鬪雨畚雲富士毛
江東區脫此舉牢
何期風雅逢吾子
每調妻孥逐汝曹
一歲幾能開口笑
今宵忍不舉頭高
直須看到蟾光盡
碑兀心胸入月濤

招汪九未至疊前韻趣和作

官齋鵝鴨鬧蒹秋
折簡招君共寫愁
一事緣貧折詩械
萬重遮眼困山囚
畧當此夕舒狂態
不擬平時暢雅遊
挑戰

因君巖壁壘不應虛挂竹間筇

潑潑光芒濕兔毛玉樓雖好不堅牢
連宵端正開虛幌一服清涼到冷曹
待與停琴殘夜守何當湧闕衆山高
蹇修各訴麻婆憾淺徹銀河尙起濤

次胡墨莊觀察見贈韻

打頭屋底又三年柿葉抄書苦未編
講舍何期翔冠雀故山有夢引啼鴉
偶因承乏瞻高蓋便覺嘘枯溫敗瓊
榆莢柳綿看造榜故人果否上青天

謂包慎伯

又答觀察惠示儀禮古今文疏義次韻

塊獨株駒日似年也將黃嬭託陳編
香吹新綠嬉鄰甍雨

墜殘紅悵客鵲破暉新書闕積玉挑燈舊業憶寒醴紛紛
救郝張雲霧助月高懸卯色天

栖霞山

揖客僧半爨到門蜂正衙麥風香入餅花氣醞于茶籜解
開窗聽雲停峭石遮牙籤百年久好裏破袈裟

梓山

山鵲照眼翦山霞好插樵青兩鬢斜鳩醉桑陰猶喚酒蜂
撩柳絮不當花陰廊有主羣巫走小閣無聲萬綠遮黃犢
自行還自卧石坳不占兩三家

登城東最高閣

吹面知風力流鈴上界聞山當吳地盡水與越江分淺草
能調馬高檐自宿雲惜春并惜別倦眼送斜暉

題朱氏百畝竹園同汪子經作

渭川生計足十萬壯夫森篩日窗紗影梳風簫管音斑犀
釘地密瑤甍天深待結樓亭子渾忘暑氣侵

曳杖無三里攜牀判一年草香新霽後麥氣午風前夙昔
煙林夢多生汗簡緣今朝參玉版同造始青天

雞黍要賢主消停翠幄中碧鮮浮滿盞綠淨洗雙瞳籜解
喧涼雨苔掀咒煖風清饑病居士便擬報詩筒

子經惠豬肉野雞用山谷謝張泰伯惠黃雀鮓韻報

謝

五年在寧國攢眉進杯箸薄酒近稍營度羞終寡助老兵
久龍斷辜較籠雉兔惟買似米豕更沾著水酢食指忽暗
搖塵羹莫輕絮花豬與肥雉口福無多數親屬皆乖慳朋
交煩將護佳辰強歡喜罷士難調御當翔松頂鶴休乾紙
上蠹旣罷聞達科何落此奴度伯尊且加餐兩日免啖茹
叱嗟羅腥膻熱官曲屋具老夫愧獨享甘腴妻孥與此邦
無可戀端爲碩交佳殺雞投糲醪請召亦能屢

社鼓

次東坡
琴枕韻

送臘迎春又戊前三通發胸警晨眠不成蹠踣兒童戲長

此婆婆翁媪仙一胼平分神座下雙槌高挂廟門邊大平
敲出蓬蓬調重聽村巫搗四弦

樵歌

丁丁斧響破林煙高唱應警幽客眠邪許擔歸趁作社步
虛學得詫遊仙迢迢澗日松風外杳杳碁聲梵唱邊翁子
粗能吟楚些誰將大曲譜冰弦

琴家以魚樵
二調爲大曲

冬筍牛尾狸遺周伯恬用前韻

敗瓊縮凍指排籤觸匕箸坡竹壓離披濕薪爨煙助空山
一丈雪僵仆殞貓兔野人詫俯拾炮不事鹽酢

古文醋
字如此大

樽供一飽寢薦煖于絮玉面最姦黠秋實攜無數樽棗雜

橡栗窟堞夸辨護如何富儲藏旨畜冬不御睢盱出邱墟
貪攫類五蠹虞人快一發不須饒王度官厨諒所珍齋腸
慣啖茹周侯羅佳羹傳柑正供具所恨貪饋微難令饗客
與百里空相望六稔厭久住冬苞亦并侑酒瓶倒宜屢

戊子歲清明

蹉跎歲月感離居久廢吟詩罷著書佳節鶯花三月暮故
山壠樹六年踈湖鄉趁煖分蠶種棚戶開荒斫稜畬我亦
鞞鞢強料理自呼客作理園蔬

新歲無歡病久磨新教釀酒似修羅腰移革孔頰量小面

作靴紋強笑多

山况語見江
隣幾雜誌

饘粥謀難行計縮兒童住久

語音訛那堪便恃翁生活廢學長年自蹉

蹉去聲 此

鹿塔 并序

宋于廷司訓旌德官舍中有埵兀然聳峙蓋有力而不
學者惑于風水厭勝之說爲此而不自知其儒墨之異
途也余固嘗笑之未幾宋子來此果以不經爲誚適有
鹿躡級而墜傲唐慈恩浮圖埋鴈之祥名曰鹿塔作詩
以詠其事余次韻焉

宋生意氣青雲攄無慘失職來此居小庭鴨脚長苔蘚荒
圃鵲影凌空虛突兀涌地五六丈倒垂玉竦青天舒梓山
龍峯平一掌巽舍不啻招提如援儒入墨不啻省金錢磊

落施芳墟八露盤承佛舍利自佛以下差次除嗟君報最

得此缺艤艣破浪昇潯沮彈冠興阻貢博士歛錢癖少和

長輿未攜淨日須達長者作梵嫂又無月上女相於維摩

名月花天酒海成一癡憔悴不異荆三閭強名官人實乞

士一錐卓地稱吾廬况君頭陀勤撰論相輪塞破堅闌陔

正如飽藉家常飯何用發憤等遂初溫岐削迹方城尉高

適狂歌宋孟諸不若長作退院主生死文字魚蠹書網維

行脚皆不易何門可以曳我裾鴈豕鹿場等兒戲薔薇露

更撥興渠袈裟隨宜領四衆棒喝或可迴三車更煩搏就

無縫塔大千一粟包緒餘

槿花歎爲葛宗哲東汪子經

槿花攢攢長三尺醉紅暈紫閒庭植兩枝猗難插銅瓶一
洗貧官寒陋色此花植自同舍寮三年辛苦久營巢藝蘭
干本菊幾稜苦無佳興澆松醪日及嬌嬈向未有何從覓
種相人偶一朝爛漫見斬新今日花開人已朽只言朝生
暮落不長榮那知人脆花猶壽昔歲春風窺戶牖上客招
邀惟汪九踉蹌壺觴呼幼孫餽釘杯盤趣健婦如余狂興
已刊除猶相喝韻傾斗酒君於詩酒兩無緣蕭鬢髮中
頽然自言蒲柳早衰颯空對鶯花絕可憐言猶俄頃歲華
換人事回環如轂轉友朋聚散尙愴恨死生契闊那排遣

汪生賞溪歎睽違我獨看花淚眼垂水西梅柳垂垂發正
是葛龔易簪時人生百年何刺促莫種松栝但種竹經年
燒筍猶可期

謂去年遊
朱氏竹園

松栝成陰壽不屬

蜀鏡詞爲宋于延作

宋生嗟惜無人偶孽鏡容顏漸老醜豈惟妍妙隔吳雲酒
綠燈紅間何有僻居小縣渺懽悰訪古尋碑境亦窮何從
得此古奩具如珠出匣月停空銘文卅二盤龍鈕丹楊善
銅耀姿首只憐天水有佳人拋却錦城那邊走

王衍醉妝
詞云者邊

走那苦憶當年賊王八領都健若決雲鶻艱難百戰作家
邊走居付與纖兒歡一恥一來浪子劇遊遊十在弄臣更戲嘲

灌口天神珠帽麗甘州仙侶綵山高別有嬌饒遠望幸對
鳳垂鸞動花影水晶簾下看妝梳手折紅梔雙鬢整青城
三學慣同軒粉鏡長攜馮小憐召得唐魂怕風鶴化成蜀
魄悵啼鵲羅裙霞帔風塵老僊眷如花都入草

莊宗語曰
物入中國

謂之入草王衍其
能免爲入草人乎

兵戈倉卒悵分離醉妝能彀常時好駢

首秦川事可傷閉門天子足興亡剖符企望同劉禪破鏡
沉埋過樂昌苔封土蝕經千載重入錦囊發光彩先生功
業怯頻看只憶李娟與張態書法簪花金背摹雙窺會否
照頭顱菱花照膽難留影空入宣和博古圖

于延次韻見答仍疊韻報之并送其詞取入都

丈夫意槩同龍攄握躡寧效鹿豕居五年學舍伏山草辟
人不啻逃空虛石劒橫磨竦蠹蠹泉紳奔瀉縈舒舒小車
歷碌舟伊軋親朋斷絕投荒如頗思舊時老舉子晨星相
望牛斗墟豈料故人周與宋一瓊送老皆堂除同音古調
笙若磬合耜先疇溺與沮語笑雖懸通筆札詩篇數復罷
臺興恨勞十駕隔亭部翻思六里欺商於宋生未肯安冗
賤上名臺省升天間奇毛一撇狹霄漢逸羣四顧空槍法
一言拔擢尙待後七資磨勘終勝初因緣地芥拾虎魄感
召天使承方諸可憐骯髒亦常調教官以知縣用亦例不萬言難剖
琅玕書屏擋觸熱攜敗席踉蹌登陞隨華裾軍興鉅億埋

戈壁

新平回逆
張尔格

計失萬戶填河渠帆檣戕戕尾糧舫鈴鐸

磁磁迴征車一長官知何地著智囊雖老傾其餘

寧國種秧歌

糜峻圍棚山作障犬牙畫野水分疆插秧畧較吳中早笑
指田頭小麥黃

草長榆飛作水田翻青已了種紅蓮沙鍋窯上灰如粉挑

到莊家各鬪錢

犁田謂之翻青用爐灰攪窯灰攤稻本云
辟蝨且卻山瘴紅蓮早稻也始出占城

五更共喫蔣田飯白酒盈壺更白團

冥報記鷄
卵爲白團不待作頭

司鼓漏近山一儻早涼完

莊家力作邀親家喫蔣田飯客
作老成者呼爲作頭李壁王荆

公詩注四月農忙草壯立田漏植表一人司漏一人掌鼓
隨其號令以爲衆耘作止之節吳俗以田之彌望者爲一

億

大家著力莫根涯

宋王阮詩注楚謂勤苦爲根涯

牛背瘡生啄老鴉誰愛

治田花朶好新孃插向髻鬟斜

隴畔草花如月季土人呼爲治田花

稻籬仰口喜豐收兩手分科不要稠剛是梅黃新雨足沿

河塘水正平流

稻籬清明日人家戲如玳之擲以仰口向上者爲豐

翟樂正婦查氏哀詞

涇人樂正婦查氏甫生子夫亡姑痛子投水死婦聞之

自到姑得救免查氏竟死金陵汪

汝式

作詩余繼之

結髮事君子婦姑尙在堂婉婉勤婦職步步隨姑行上堂
賀阿姑姑今喜抱孫抱孫未渠喜哀哭招夫魂傷心當暮

年壯男易緇祿痛極自沈淵老身何所道新婦含血淚我
死寧須臾上為白髮姑下為黃口雛畢生冤苦那得說見
刀與繩本良圖奈何一死偏後姑引刀斷喉殉夫與姑精
臚顧盼聲呱呱倉黃救溺走者濡尸僵難覓神膏塗婦不
活姑漸蘇還抱卧兒泣嗚嗚雙棺在殯夜夜啼庭烏

阮明府招看鷄冠花以東坡九日黃樓韻見示即和

昔時每佩東坡說重陽展待黃花發

東坡常云有菊有酒即為重陽山城

寥落少秋香楓榭微澗露光滑屈指正直授衣假寢門何

由進履鞮賴有窮籬洗手花開尊渴羌快滿呷與妝富貴

作河陽明歲分苗理短鋤草黃霜白奈今秋賸理菜畦齋

可殺宵來竹閣雨，滴階曉窺雞嶺煙。埋刺蚊蠅嘗尔痛，掃
除那更蛩螿啼。軋軋只愁一寒怯，衰年冷脾不受酸。酒壓
明朝霜降雨亦止，晴嵐恰獻女墻鬢。兼歲倚公威惠均，鈴
下不驚睡花鴨。何須苦憶蜜湖蕞，溪清駛似茗甞。

侯亭明府餉斗酒以前和詩有冷脾不受酸酒壓句
故也因略述前時酒狂今潦倒情狀仍次前韻

小詩自嘲非遊說，挹蠡注瓶巾。羈發頗思益，益到臍煖賸
可徐徐流。叻滑昔年孤坐經，留席問我寸長線。拆襪要將
狂態嚇庸奴，升斗酸甘夸一呷。騎鯨跨龍逞汗漫，死何用
埋強荷鍤。醉來高唱杜陵詩，世無嚴武何人殺。羯今殲唐

老學究百尺標竿自倒剝脂脂遮眼隔襠襠肺痰塞喉聲
啣軋鶴觴儘佑致方筆齋湯何止茅柴歷分君齋釀侑新
詩如鑄金甌無缺憾感君宦興亦蕭條元冑人材多似鴨
轉蓬嗟我歎騷騷閃電憑人鼓雷雷

集韻引說文
雷雷震電兒

十五日雪次東坡聚星堂韻柬侯亭明府

幾日微陽蘇病葉消盡庭階待伴雪隴頭望麥未辭慳驢
背尋詩正清絕今朝駝褐集靈藏午夜風篁聽拉折瓦稜
恰似霜華浮峯頂遙知剝竿滅寒廳枯坐肌粟痒蛙鼃急
移爐炭掣未能堆徑屐沒齒只喜染林繪作纈宙合徒深
黯黯雲辨才不落霏霏屑檐頭凍鵲踏枝翻俄驚老眼風

花瞥孔融愛酒何能檄吳均畫餅浪自說欲將底物慰寒
宵湯餅滿注煖衾鐵